



5.8.363



cc . . .



DOMINICI COTUNNII

PHIL. ET MED. DOCT.

D E

AQUÆDUCTIBUS.

AURIS HUMANÆ

I N T E R N Æ

ANATOMICA DISSERTATIO.



NEAPOLI, ET BONONIÆ

EX TYPOGRAPHIA SANCTI THOMÆ AQUINATIS

M D C C L X X V.

SUPERIORUM AUCTORITATE.

*Juvat integros accedere fontes
Atque haurire ; juvatque novos decerpere flores .*

T. Lucretius Carus lib. 4.

P R Æ F A T I O.

EGregiam semper, longeque præclaram suæ dedere operam arti humani corporis fabricæ scrutatores, cum a promiscuo partium omnium examine, ad peculiarem particulam, sive usu præstantiorem, sive structura maxime reconditam, singulari industria, studioque perlustrandam transierunt. Ita namque factum est, ut circa simplicius objectum versati, & plura perspexerint, & singularium præcipui alicujus organi partium, situm, formam, fabricam, relationem, & usum diligentius peruestigarint. Quod cum nostra præsertim ætate in plurimis partibus, & quidem præstantioribus sit factitatum, ita res anatomica ab humili fere pervenit ad summum, ut facile videatur, quod natura fert in omnibus rebus, eam tandem fastigium affecutam constituisse. Merentur tamen organa sensuum inter partes hac methodo illustratas primo loco recenserī, quasi gratificatio quædam in ea precipue organa perlustranda duxisset anatomicos, quorum una facultate erudiebantur. Inter hæc autem, primæ debentur partes auditus organo, quod maxime meruit principum Anatomicorum attentionem. Nam sufficiet FALLOPIUM nominasse, EUSTACHIUM, CASSERIUM, FOLIUM, DU VERNEYUM, VALSALVAM, CASSEBOHMIUM, ac virum tandem, fama, & meritis illustrem JOANNEM BAPTISTAM MORGAGNUM, qui aut curatius de auris humanæ fabrica, aut de hac præcipue, peculiaria volumina, cedroque digna, conscribere, ut cogno-

scatur, quo pervenisse debuerit fabricæ tanti organi notitia. Mirum proinde, vel rerum gnarissimis, videri poterit, valuisse me aliquid de hoc organo proferre, quod tantorum Anatomicorum attentionem præterierit. Aquæductus enim auris internæ exponere aggressus sum, quales adhuc inauditi. Sed & de aure post FALLOPIUM inaudita protulit EUSTACHIUS, nova post hunc CASSERIUS, novaque FOLIUS, meliora DU VERNEYUS, illustriora VALSALVA, & CASSEBOHMIUS, ac pleraque longe, post tot tantosque viros, definita, MORGAGNUS. Nempe, quia naturam nunquam sine fructu consulimus, nec post mille sæcula præcludetur inquiringibus occasio nova detegendi.

Equidem vero in his ego paginis, quarum lectionem censoribus omnibus committo candidus rerum naturam enarravi, qualis mihi non semel, aut bis, sed centies visa. Canales in aure interna [quo ego nomine unicum sumpsi labyrinthum, relicto auris exterioris nomine auriculæ, & meatui auditorio, & auris mediæ tympano] duos detexisse mihi visus sum, dixique ab officio *aquæductus*; & ne proposita eorum fabrica, quasi nullius, aut despiciendæ utilitatis essent, usum callide præteriisse viderer, hunc simul attexui. Hoc ut facerem sequenti ratione exorsus sum. Descripsi primum labyrinthi fabricam breviter, sed qua maxima cura potui, tum nervi mollis ingressum ad hunc, divisionemque. Hunc autem nervum, septum adumbratum Cl. MORGAGNO (*), verum tamen integrumque facere intra vestibulum demonstravi; a quo cavitas hæc bipartita est.

(*) *Epist. Anat.* XII. §. 32.

est. Tum nullum esse, aut penetrare posse aërem contra omnium sententiam, intra labyrinthum, evici, sed humore hunc integre plenum esse. Consideravi stapedis motum in omnis undæ aëreæ impulsione, eumque demonstravi, communicari vestibuli humori, & per hunc nervos contentos unice soni vim haurire. Ex his omnibus, simplicissimo continuatoque ratiocinio, canalium semicircularium usum deduxi, ac tandem aquæductuum necessitatem, quibus absentibus, omnis audiendi facultas adimeretur. Hos demum aquæductus descripsi, eorumque historia tradita, collectis omnibus, ultimo breviter, sed nova ratione, explicavi, quid fiat intra nos, cum audimus & cur nervos auditui destinatos humore undique coerceri, non aëre, fuit necesse. Quæ omnia in capitulum summa dissertationi præmissa speciatim expressa sunt.

In his omnibus uni naturæ credidi, quam continuo præsentem habui scribens. Hoc facile mihi fuit in ea cadaverum opportunitate, quam magnum hoc, in quo medicinam facio, Urbis valetudinarium mihi exhibuit. Iconum autem Tabulas adjunxi duas, quas ad rem, de qua scripsi, declarandam, sufficere judicavi. Has ab ipsa natura expressit amicissimus vir Phil. & Med. Doct. DOMINICUS CYRILLUS; calcographi vero attentionem, naturali obiecto, picturaque præpositis, sollicitus fatigavi, & futurum spero, ut, si non elegantia, veritate tamen, minime sint gnaris displicituræ. Inter has, apicis cochleæ novam iconem dedi, propria manu pictam, qua quid præstitum sit, judicabunt periti.

Rogo autem omnes obtestorque, quibus has

volvendi paginas occasio fiet, ne de re quavis lecta iudicium illico proferant suum, sed paululum sustineant, donec integram libelli lectionem exegerint. Si cunctis vero perlectis erit, in quo hæreat ipsis aqua, adeant rogo naturam, eamque prejudicio vacui consulant. Id autem non semel faciant, aut bis, sed pluries, & continenter: exhibet namque natura tales haud raro varietates, ut sine magno dissectionum numero, quid pro constanti habendum sit, quid pro raro comperiri non possit. Si plura tamen hic strictim præstetque tradita videbuntur, id de industria factum habeatur, ne aquæductus auris internæ exponere aggressi, integrum de aure librū conscripsisse videremur. Quæ hic tamen prætermisi, fusius majori opere explicabo, quod si per iconum difficultatem, copiamque, licuerit, propediem, utpote jam paratum, lucem aspiciet.

Nequeo autem non & hic, rem summi hercule momenti, quam & alibi maxime urgere coactus sum, admonere, ut qui, traditarum a nobis rerum, veritatem in ipso cadavere quære necessarium sibi ducent, & exercitati sint in hujus potissimum partis dissectione, & auribus utantur recens a cadavere depromptis. Nihil est enim aliud, quod nervosas vestibuli expansiones deterius pessundet, quam siccitas. Ea verum methodo partes dissecent, quæ situ in suo cuncta fervet; multa namque concipi non possunt, nisi situs ratio, a qua unice dependent, facta rectaque habeatur. Hæc autem, si in omnibus, de quibus scripsi, partibus investigandis, necessaria habenda sunt, in septi vestibuli nervosi, canaliumque semicircularium positus perlustratione, potissima sunt certe judicanda.

Er- \

Errata aliquot typographica, etsi maximam, quam potui, attentionem impenderim, invite attamen irrepserunt, didicique nolens, in hoc rerum genere devitari omnino non posse. Ea vero quæcumque sint, etsi potiora mihi que perspecta in operis calce adnotaverim, per se corrigant viri docti, dentque pro iis veniam fatenti. Solet enim facile fieri, ut dum releguntur impressæ paginæ ab eo, cui res contentæ magis cordi sunt, verba non prorsus advertantur.

De re difficillima scripsi, quæ sane facundiæ minime capax erat; hinc mihi nullus quæso vitio vertat, si non florido admodum stilo sum usus. Scripsi vero non pingui, altoque sedens in otio, sed curis & plurimis distractus, & permolestis, quæ sive officii, sive meæ vitæ rationes sequebantur. Hinc, dum has volvo paginas, fateor me pluries, in ratione scribendi, mihi maxime displicere. Sed ignoscant rogo, quidquid peccatum est, viri docti, quorum ego iudicium præcipue reformido, & humanitatem meam excusent. Spes autem fortasse est, eum, qui lustrum quintum non exegit, & majora dare conatus, tenuia hæc tamen rudiaque promit, ætatis incremento, doctorumque virorum benenitate erectum, aliquando daturum meliora.

CAPITUM SUMMA.

- I.** Quid adhuc aquæductus nomine in aure intellexerint Anatomici, & quos canales eo finis nomine descripturi.
- II.** Quid tympani fundus: fenestræ ovalis, & rotundæ positus: pelvis fenestræ illius, & proprietates.
- III.** Vestibulum, ejusque mensura; cavitas in eo hemisphærica, & semi-ovalis, cum spina intermedia, cujus in fine pyramis.
- IV.** Sex foramina intra vestibulum patent, excepta fenestra ovali, quorum unum ad cochleam spectat, quinque reliqua, trium canalium semicircularium extrema sunt.
- V.** Nomina canalium semicircularium, cum descriptione ejus, qui superior est.
- VI.** Descriptio canalis semicircularis posterioris.
- VII.** Canalis communis.
- VIII.** Canalis superior, posterior, & communis tribus orificiis intra vestibulum patent, horumque orificiorum distantia inter se.
- IX.** Canalis semicircularis exterior.
- X.** Fenestræ rotundæ forma: cochlea, ejusque tuber intra tympanum: modiolus: situs omnium partium labyrinthi.
- XI.** Quomodo modiolus primum cochleæ gyrum, & medietatem primam secundi gyri tantum complet.
- XII.** Infundibuli in apice cochleæ generatio, & forma.
- XIII.** Cupula infundibuli cochleæ.
- XIV.** Laminæ spiralis, ejusque gyri albi descriptio.
- XV.** Rostrum in quod desinit intra infundibulum, gyrus albus laminæ spiralis.
- XVI.** Periostrum labyrinthi: zona cochleæ: scalarum in cochlea generatio.
- XVII.** Rostrum, sive hamulus zonæ cochleæ, ejusque adhæsiō: tubi infundibuli generatio.
- XVIII.** Foramen triangulare constans est intra tubum infundibuli: ejus generatio: & communicatio per hoc foramen scalarum cochleæ.
- XIX.** Membrana, quæ claudit

dit fenestram rotundam.

XX. Gyrorum cochleæ, & modioli mensura.

XXI. Sclarum diversæ longitudinis, & capacitatis causæ.

XXII. Nervi paris septimi, eorumque canalis communis.

XXIII. Indumenta canalis communis, & nervorum: nervique duri decursus.

XXIV. Trium fasciculorum nervi mollis anterior ad cochleam pertinet, & foveam ingreditur basis modioli.

XXV. Fascis hic quomodo suam foveam ingrediat, penetretque in cochleam.

XXVI. Fascium superiorum nervi mollis anterior intrat vestibulum, & intra illud expanditur, septumque integrum facit, quo generantur in vestibulo cavitates duæ.

XXVII. Septi vestibuli forma, & proprietates.

XXVIII. Fascium superiorum nervi mollis posterior.

XXIX. Tota labyrinthi cavitatis humore est plena, & aer naturaliter semper abest, nec penetrare in eam potest.

XXX. Plerarumque opinionum circa superius adnotata commentum.

XXXI. Humor labyrinthi implens est fumus articularum.

XXXII. Cur osse acustici nervi conclusi sunt.

XXXIII. Cur data cavitatis tympani: ejusque membranae descriptio: ossiumque catena intra tympanum posita.

XXXIV. Mallei brevis descriptio: ejus motus rotatorius: usus processus Foliani, qui axis est circa quem malleus vertitur: descriptio incudis, ossis lenticularis, & stapedis.

XXXV. Ossiculorum tympani motus: eorum musculi: stapedis ingressus intra vestibulum sola, posteriori parte basis fit, anteriori immobili, quia ligamento firmata.

XXXVI. Basis stapedis alligatur ambitui fenestrae ovalis, nullo hiatu intercedente.

XXXVII. Apophysis triangularis anterioris extremi basis stapedis ex parte vestibuli.

XXXVIII. Cur in motu stapedis, humor vestibuli emergere non potest, & tympanum ingredi.

XXXIX. In omni motu stapedis humor vestibuli urget septum nervosum, convexumque facit, &

anterioris cavitatis humor cedit, fugiens aliqua parte in cavitatem posteriorem.

XL. Quanta sit convexitas septi nervosi: quantum spatii stapes decurrat, & cur: quantum convexitas septi duret.

XLI. Restitutio septi in pristinum situm sit restituito humore cavitati anteriori.

XLII. Ut convexum fiat septum, per declivem canalem externum humoris pars fugit.

XLIII. Ut septum restituitur, per verticalem superiorem canalem, humor perditus, anteriori cavæ restituitur.

XLIV. Impellitur septum, quoties & stapes, repellitur, quoties situi suo stapes redditur: humoris anterioris cavæ, & superioris canalis frequens est iactura.

XLV. Restituitur superiori canali humor ab humore cavæ posterioris, motu eodem stapedis, per communem canalem impulsio.

XLVI. Quomodo hæc restitutio fit.

XLVII. Cur a canale communi oritur canalis semicircularis posterior: ubi derivatur pars hu-

moris in scalam vestibuli impulsio.

XLVIII. Humor labyrinthi circulat, & ita uno impulsu stapedis omnes labyrinthi nervi agitantur.

XLIX. Nervi ab uno vestibuli humore impressionem stapedis suscipiunt: necessitas septi nervosi.

L. Septum datum plerisque animalibus; sed amplius homini, qui & vestibulum, & canales semicirculares majoris luminis obtinet.

LI. Vestibuli, canalium semicircularium, cochleæque situs pro septo nervoso factus.

LII. Statuitur usus canalium semicircularium: refellitur SENACI opinio: respondetur quæstionibus CASSEBOHMII, & BOERHAAVII.

LIII. Præparationes Anatomicæ necessariae pro iis, quæ diximus, observandis.

LIV. Duo paradoxa ex dictis hactenus derivantia, si nullæ viæ humorem vestibuli, & cochleæ derivarent.

LV. Has vias aquæductus ab officio nobis dictas revera NATURA fecit.

LVI. Origo aquæductus vestibuli a cavitate sulci-
for-

formi MORGAGNI.

- LVII. Aliqua addita MORGAGNIANÆ descriptioni.
- LVIII. Usus hujus foraminis, orificii aquæductus vestibuli nomine insigniendi, ignoratus MORGAGNO.
- LIX. Integri aquæductus vestibuli ab hoc orificio decursus.
- LX. Induitur hic aquæductus exteriori lamina duræ matris, & in orificio habet tenue tentorium.
- LXI. Finis aquæductus cavitate excipitur, inter laminas duræ matris, posita.
- LXII. Quomodo dicta in cadavere detegenda.
- LXIII. Experimenta, seta in aquæductum immissa, instituta.
- LXIV. Duo sunt partes aquæductus vestibuli. Experimenta injectione facta.
- LXV. Vasa a cavitate aquæductus membranæ ad sinum lateralem injectione detecta.
- LXVI. Hæc vasa sunt venæ inhalantes.
- LXVII. Fabrica aquæductus vestibuli in fetu.
- LXVIII. Quomodo hunc ego aquæductum invenirim.
- LXIX. Qualis sit hic aquæ-

ductus in brutis.

- LXX. Per hunc plenus labyrinthus humore, tantum exoneratur, quantum est satis ad liberam motionem nervorum.
- LXXI. Necessitas cochleæ aquæductus, & cur clausa scala tympani ad fenestram rotundam.
- LXXII. Cur fenestra rotunda membrana, non esse clausa.
- LXXIII. Cochleæ aquæductus oritur a foramine posito in scala tympani prope fenestram rotundam, plurimis viso.
- LXXIV. Fenestra rotunda, ex hujus foraminis parte ligulam osseam educit.
- LXXV. Aquæductus cochleæ duo sunt orificia: quorum inferiori continuatur semicanalis.
- LXXVI. Janua aquæductus cochleæ arcum refert.
- LXXVII. Dura mater invenit cochleæ aquæductū: tentorium foraminis optici: origo periostrii labyrinthi.
- LXXVIII. Experimenta pro meabilitate hujus aquæductus, seta, & injectione, instituta.
- LXXIX. Experimenta alia duo.
- LXXX. Anterior portio octavi nervorum cerebri

paris sub janua transit
cochleæ aquæductus, &
it ad linguam.

LXXXI. Quomodo hunc e-
go aquæductum inveni-
rim.

LXXXII. Cur orificium su-
perius hujus aquæductus,
vasorum transitui ab o-
mnibus adhuc destina-
tum: vera venæ cochleæ
insertio ei vicinissima
est: hujus venæ situs.

LXXXIII. Vena vestibuli:
arteriæ vestibuli, & co-
chleæ.

LXXXIV. Forma aquædu-
ctus cochleæ in fetu, &
brutis.

LXXXV. Usus cochleæ a-
quæductus, & via, per
quam ejus humor in cal-
variâ excretus reddi-
tur sanguini.

LXXXVI. Sinus vaginales
nervorum cerebri, ve-
næ duræ matris inha-
lantes.

LXXXVII. Auditus functio

breviter ex integro ex-
plicari incipitur: & pri-
mo quæ fiant, a vibra-
tione sonori corporis,
ad stapedis introitum,
intra vestibulum.

LXXXVIII. Usus chordæ
tympani.

LXXXIX. Quomodo stapes
humorem vestibuli mo-
vet, ut nervi impulsus
sentiant.

XC. In qua re, recte audi-
endi facultas collocetur.

XCI. Quomodo hanc audi-
endi facultatem tuita-
sit natura.

XCII. Alia septi nervosi in
vestibulo necessitas: co-
chleæ cymbalo compa-
rata: septi, cochleæque
usus.

XCIII. Quomodo perditus,
per aquæductû cochleæ,
& vestibuli, humor la-
byrintho reddatur.


XCIV. Causæ tinnitus au-
rium potiores.





DE AQUÆDUCTIBUS

AURIS HUMANÆ INTERNÆ ANATOMICA DISSERTATIO.

I.  OMEN aquæductus, quo non antea detectos auris humanæ internæ canales insignivi, etsi longo jam ex tempore in auris fabricæ historia usurpatum videri posset, ab nemine in hac tamen ita pronuntiatum est, ut canalem ea voce intelligeret, a quo humori vehendo destinatum. Si etenim FALLOPIUS canalem, quem græci τυφλόν, sive cæcum appellaverant, quia ut scripsit VESALIUS, anfractuum, & sui incessus labyrinthorum occasione, impulsam ipsi setam, aut plumbeum filium, non prompte ad auditus usque organi cavitatem transmitteret (a), novo nomine aquæductum appellavit, id non ideo fecisse constat, quasi pro dura quin-

(a) *De humani Corporis fabr. lib. I. cap. XII. p. m. 46. tom. I. Ed. Batav.*

quinti jam suo tempore, nunc septimi paris nervorum cerebri parte, aquosum vehere humorem opinaretur, sed a similitudine permotum, quam cum urbium aquæductibus, suo hic canalis progressu repræsentabat (b). Si Clarissimi ceterum alii, & suis meritis laudatissimi Viri, aquæductus nomen ad EUSTACHII tubam traduxerunt, quemadmodum fuscæ ab Illustri MORGAGNO ostensum est (c); id aut non bene cognitis, atque distinctis utrisque canalibus, aut si cognitis, nimis eo nomine licenter usi videntur effecisse. Quæ faciunt ut credam, me non esse nominis hujus proprietate abusum, cum canalibus aptavi, qui aquæductuum, & formam, & officium, omni ex parte sibi vindicant. Est etenim a vestibulo via, quæ per medium currens os petrosum, humorem illius cavo contentum, in proximum lateralem finem duræ matris, statò tempore derivat, quam ego *vestibuli aquæductum* appello: est pariter alteta, quæ a cochlea similem humorem in calvariæ cavum proprio tempore defert, quam *cochleæ* nomino *aquæductum*. Horum, neque ortus poterit, neque usus intelligi, nisi antea perbrevev auris internæ descriptionem proposuero.

II. CAVITATIS tympani paries interior, quem *fundum* aptissime nominaveris, non perpendicularis est horizonti, sed superiori parte, & postica, extrorsum inclinatur. In eo duo foramina, quæ fenestræ dicuntur, aperta sunt, quibus a figura nomen est datum. Aliud enim ovale, *fenestra* dicitur *ovalis*, rotundiori aliud gaudens lu-

(b) *Observ. Anat. p. m. 18.*

(c) *Epist. Anat. VII. §. 10.*

lumine, *rotundæ fenestræ* nomen accepit. Ovalis fenestra (*d*), quæ rotunda superior est, non in ipso parietis tympani plano aperitur; sed excavatur primum ille paries in *ovalem pelvim* (*e*), quæ retrorsum integra sæpe linea profunda est, antrorsum $\frac{2}{3}$ lineæ partibus: in cuius fundo sensim arctiori, ovalis fenestra modice plano margine, antrorsum præcipue coronata aperitur. Hæc longiori axe horizonti parallela est, & semicircularis rectius diceretur, nisi margo inferior, quæ pro diametro esset, aut in sui medio, aut maxime retrorsum gibba evadens (*f*), a rectitudine deflecteret diametro propria; ac curvæ reliquum fenestræ ambitum limitans, ad extremitatem fenestræ anteriorem elatior facta (*g*), ejus inibi lumen adaugeret. Varia tamen pelvis profunditas efficit, ut anterior hujus fenestræ pars versus tympanum vergat, introrsumque posterior.

III. FENESTRA ovalis (*II*) in ampliorem anterioremque caveam ducit prope ovalem, quæ cum ad labyrinthæas veluti vias aditum det, aptissime *vestibulum* nominatur (*b*). Hoc adjacet quidem fenestræ ovali, ac tympani fundo parallelum est, & capacius est, qua anteriorem ejus extremitatem, quam qua posteriorem respicit. Axis vestibuli major, qui parallelus est horizonti, duas sæpe lineas æquat, minor qui perpendicularis $1\frac{1}{2}$, profunditas ejus media, sive distantia ab ovali fenestra ad vestibuli fundum, lineam $1\frac{1}{3}$ adæquat: quamquam aliquando perpendiculari
axi

(*d*) *Tab. 1. fig. 6. a.* (*e*) *Ibidem. dd.* (*f*) *Ibidem. e.*
 (*g*) *Ibidem. b.* (*h*) *Tab. 1. fig. 3. c.*

axi æqualis sit. Latiorē vestibuli partē foveæ perficiunt duæ in ejus superficie excavatæ, quarum una eaque inferior proxima est antetiori fenestræ ovalis extremo, perque vestibuli pavimentum expanditur (i), & quia circulari fere margine terminata, ab Illustri MORGAGNO *hemisphærica* dicta est; superior altera (k) hanc sequitur, elliptico prope ambitu donata, quæ introrsum, retrorsumque ab exteriori, anteriorique vestibuli parte elongata est, ac *semiovalis* eidem est dicta (l). Ex his profundior hemisphærica, & subfusco pellucidoque fundo donata est, qui inferior, extrorsumque ovali alba macula, veluti crescente crassiori substantia opacatur; semiovalis tota levis permanet. Intercedit inter utramque caveam, atque discrimen ponit satis *eminens spina* (m), quæ a vestibuli fundo, antrorsum extrorsumque defertur, sensim extantior, ibique terminatur, quo superior fenestræ ovalis margo elatior fit (11). Hunc spinæ terminum *pyramis* ossea parva complet, quæ a triangulari basi orta in cavum vestibuli attollitur, $\frac{1}{2}$ & ultra sæpe lineæ parte elongata: cujus frequenter apex utrinque compressus, margine gaudet denticulis tubulatis exasperato (n).

IV. Quod de vestibuli cavea reliquum est, tota nempe superior, & postica pars, id omne constanter sed pertunditur foraminibus; quorum ultimum omnium infimum & posterius, rectiorique margini fenestræ ovalis subjacens, ducit ad cochleam (x), quinque reliqua ad vias aliquot in me-

(i) *Ibidem. b.* (k) *Tab. 1. fig. 3.g.* (l) *Epistola Anatomica XII. §. 5.* (m) *Tab. 1. fig. 3.i.* (n) *Ibidem. k.*

medio petroso offe excavatas. Viæ istæ sunt tres canales, qui ab uno eorum foraminum orti, parvo per medium os petrosum facto excursu, continua curvitate in vestibulum redeunt, novoque in eo foramine aperiuntur. Dicunt a curvitate decursus *canales semicirculares*, quamquam singuli semicirculum excedant. Neque mirandum, si tres canales ambobus omnes extremis in vestibulum pateant, & non sex, sed quinque efficiant foramina: eorum etenim duo reliquo per se longiores, uno extremo conjuncti, in communem canalem (vii), qui vestibulum perforat, terminantur.

V. His canalibus nomen a longitudine dari posset: sed hæc sæpe varia rectæ illorum intelligentiæ obstaret. A situ ergo, qui constantior est, eorum commodius nomina repetuntur. Hinc *superiorem* unum, *posteriorem* alterum, ultimum *externum* nominabimus. Qui superior est (o), ab anteriori & superiori vestibuli parte oritur, & supra planum reliquorum canalium elevatus, in fere verticalem horizonti curvam inclinatur. Hic versus posteriorem fundi vestibuli partem contendit: a qua duas circiter lineas distans, cum posteriore canali coit in canalem communem (p). Ejus in origine lumen ellipticum frequenter est, retrorsum longius; & ab ea per lineam prope integram, canalís undique dilatatur, ea parte excepta, quæ canalís exterioris attingit originem. Ellipticus reliquo tractu est, sed sæpe varius. Ejus longitudinis axis parum quinque lineas excedit.

B

dit.

[o] Tab. i. fig. 2. c. fig. 3. b. fig. 4. c. fig. 6. i.

[p] Tab. i. fig. 2. *

dit. Hic si in integra calvariae basi utraque, in aure contemplatur, antrorsum & sursum cum compare divergit, inferius contra convergit, & retrorsum.

VI. Ubi terminat canalis superior, duabus lineis a vestibulo distans, ibi oritur posterior (q), cum eo inoculatus, ad angulum extrorsum graduum prope 100. Inde exteriora versus facto arcu, cujus medietas supra, reliquum infra planum est canalis externi [ix], in posteriorem, simulque inferiorem, & externam vestibuli partem aperitur. Prope hoc sibi proprium orificium, per lineam fere suae longitudinis, expanditur ultra canalis undequaque; sed qua canalis externi orificium posterius respicit, sursum nempe, minus, deorsum maxime, ubi fere in eodem cum pavimento vestibuli plano est, quo versus saepissime protenditur. Ejus longitudinis axis, etsi variis variis, lineas attamen septem saepe excedit. Orificium autem proprium est pariter elliptica sectione, quae introrsum longior, & saepe proprio superioris canalis orificio minor.

VII. COEUNTES hi duo canales (v, vi) tubum generant perbreve, qui nempe per duas prope lineas descendens, in vestibuli fundo posterius introrsumque aperitur. Infundibuli forma ei data est. In ipso namque canalium occursum lumina commiscuntur, & amplam in pelvim coalescunt ambobus parem canalium duminibus, quae sensim in cylindricum tubum coarctata, circulari foramine (x) in vestibulo definit. Dicunt apte ca-

na-

(q) *Ibid. dd. fig. 3. c. fig. 4. f. fig. 6. k.*

(x) *Tab. 1. fig. 3. f.*

AURIS HUMANÆ INTERNÆ. 19

nalem communem (s). Sive enim superior, sive posterior canalis conspiciatur, singuli cum communi canale, continuam videntur curvitatem sequi. Ita duo canales ambobus extremis cum vestibulo communicant, & tribus hoc foraminibus aperiunt. Communis autem canalis foramen, posteriori fenestræ ovalis extremo e directo respondet.

VIII. TRIA hæc foramina, quibus jam descripti canales in vestibulum patent, neque æqualiter distant inter se, neque eadem in omnibus ratione. Nam inter proprium superioris canalis orificium, & commune linea $1\frac{1}{2}$ sæpe intercedit, inter hoc vero, & proprium canalis posterioris, in aliquibus lineæ unius, in aliis $\frac{1}{2}$, in quibusdam $\frac{3}{4}$ spatium intercessit. Quæ omnia ostendunt, quantà sit diversitas in canalium longitudine pro subsectorum diversitate, ac in majori proinde singulorum curvitate, aut minori. Illud est constans, chordam quam concipimus extremis subtensam canalis superioris, parallelam horizonti esse, illam vero, quæ posteriori subtenditur, verticalem.

IX. Qui reliquus est exterior omnium canalis semicircularis (t), parallelus tota ferme longitudine sua esset horizonti, nisi retrorsum parumper declinaret. Positus tamen est in intervallo duorum canalium superius descriptorum [v, vi]. Oritur antèrius a superiori vestibuli parte, quæ proprium superioris canalis orificium, & ovalem fenestram intercedit, definitque in posteriori parte vestibuli, supra intervallum, quod inter proprium

B 2

primum

(s) Tab. 1. fig. 2. f.

(t) Tab. 1. fig. 2. c. fig. 3. d. fig. 6. b.

prium est posterioris canalis, & communis orificium. In ortu peramplo, elliptico, retrorsumque longiori foramine gaudet, quod acutissimi aggeris interventu, a proprio superioris canalis orificio, quod fere adæquat, distinguitur, cum quo angulum graduum prope 70. intercipit. Posterior autem terminus in arctius definit rotundiusque foramen, & sæpe $\frac{2}{3}$ prioris. Quæ amplitudinis differentia in reliquo canalis decursu est manifesta, nam dimidia anteriori suæ longitudinis parte capacior est, in reliqua coarctatur. Hujus longitudinis axis sex lineas sæpissime adæquat.

X. FENESTRA autem rotunda, quam sub ovali diximus (11) in tympano aperiri, sub posteriori proprie termino pelvis fenestræ illius posita est; lumineque gaudet non plane circulari, sed potius parabolico, & posteriora versus integre patente (u). Sextum vero foramen, quod in vestibulo diximus adesse (iv), & ad cochleam spectare, sub recto margine fenestræ ovalis immediate positum est, atque e directo vicinissime imminet fenestræ rotundæ. Hæc duo igitur foramina sub inferiori pelvis pariete, veluti sub communifornice communicantia, originem tubo dant, qui antrorsum, introrsumque elongatus, cornui persimilis, sursum intorquetur in conicam spiram, duos integros gyros cum dimidio complens (x). Conica hæc spira in tympani fundo erecta est, ubi ossea crusta occultatur, *tuber* efformans ingressui EUSTACHIANÆ tubæ positum e directo (y). Dicunt hunc tubum aptissime *cochleam*. Hæc latior in ortu, quam in fine est, & centrum sive axim, cir-

(u) Tab. 1. fig. 6. r. (x) Tab. 1. fig. 3. n. (y) Tab. 1. fig. 6. g.

AURIS HUMANÆ INTERNÆ. 21

circa quem intorquetur osse plenum habet, quod conice decrescit. *Nucleum*, sive *modiolum* appellant, cujus basis cava retrorsum ad medium occiput conversa est, apex antrorsum, extrorsumque, & paullo deorsum tempus sui lateris prospicit. Patet inde canales semicirculares, vestibulum, & cochleam sibi ordine succedere. Summo etenim loco extrorsum, retrorsumque canales sunt, inferiori, anteriorique vestibulum, infimo omnium, & anteriori cochlea. Tria hæc uno nomine *labyrinthum* dicere consueverunt (2).

XI. SEQUENTIA vero percipienda sunt, ut cochleæ fabrica intelligatur. Tubus nempe ex quo cochleæ fit, ea parte qua modiolum respicit, nempe margine concavo, ab origine ad finem interruptus, hjatu longitudinali aperitur. Hanc interruptionem modiolus intrat, tubique ambitum perficit. Gyrus vero primus in ortu amplus est, ut diametram tamen lineæ raro excedat, maxime supra fenestram rotundam, ubi extrorsum valde protuberat; inde ad finem usque cylindricus prope decurrit (a). Gyrus alter, qui ejusdem tubi continuatione perficitur, non supra planum prioris positus est, sed maxima parte intra prioris ambitum clauditur, & parum summo pariete supra priorem attollitur. Hic dum intra primum gyrum vertitur, cum eo connexus est, primum intercedente ossea conspicua substantia (b) cum ea continua, qua cochlea extrorsum est obducta (x); mox immediata accretione parietis hujus gyri cum pariete prioris, intra quem ducitur (c). Diamet-
ter ab ortu ad finem in hoc altero gyro, etsi prio-

B 3

ris

(2) Tab. 1. fig. 3. (a) Tab. 1. fig. 5. aa. (b) Tab. 1. fig. 3. f. (c) Ibidem. c.

ris gyri diametro minor, tamen æquabiliter decurrit, atque cylindricus dici posse videtur. Modiolus vero medietatem primam hujus gyri complet; nam altera medietas, cum ultimo semigyro, modiolo carent. Carent autem ita. Desinente modiolo, ubi secundi gyri prima medietas desinit, tubus reliquus ad ultimi semigyri finem usque, hiatum modiolo adimplendum maxime dilatat. Hoc peracto, tubi partes hiatum illum intercipientes sequenti ratione disponuntur.

XII. PARS inferior supposito primo gyro, intra cujus ambitum ducitur, applicata, ejusdem exteriori convexitati se accommodat: adeoque versus centrum circa quod ducitur fit declivis. Hoc vero centrum axis modioli est, qui axis est plenus. Deinde sic completo secundo gyro, eadem declivitate ascendit, applicata similiter integræ priori medietati gyri secundi, ad cujus extremitatem, cum pervenit, nempe supra locum quo desinit modiolus, & ipsa terminatur omnino. Ita circa apicem axis modioli *infundibulum* fit (d), cujus pelvis circularis, a medietate ultima secundi gyri, & semigyro perficitur, tubus a centro (e), in quo declivitas illa convergit.

XIII. PARS vero tubi superior (quod maxime percipere oportet) non procedit continuata ex reliquo integro tubo, sed quasi facta incisione ab eodem separatur, libereque supra planum attollitur secundi gyri. Hæc in orbem expansa supra *infundibulum* dictum (xii) *cupulam* efformat (f), quæ commune cælum, & medietati postremæ secundi, & ultimo semigyro constituit. Igitur

(d) Tab. 1. fig. 7. (e) Ibid. c. (f) Tab. 1. fig. 3. u

AURIS HUMANÆ INTERNÆ. 23

tur secundus gyrus, ubi modiolus definit reſecto margine gaudet, qui in infundibulo conſpicuus eſt. In hoc margine ſemigyruſ arctiſſime applicatus finem habet (xii). Patet inde, pelvim infundibuli, circulum non continuatum eſſe, ſed interruptum; uno extremo deorſum cum inferiori pariete ſecundi gyri continuo, altero ſurſum in margine parietis ſuperioris ejuſdem gyri deſiciente (g).

XIV. Eſt tamen in cavo tubi cochleam facientis ſeptum quoddam, in duas partes ſecundum longitudinem, ab origine ad finem illum diſcernens. Oritur hoc a medio toto intervallo amborum foraminum, a quibus cochlea incipit (x), quod veſtibili pavimento continuatur, & fere ad $\frac{3}{4}$ lineæ partes expanſum, ad parvam diſtantiā a communi eorum fornice (x) deſinit. In hac origine deorſum incurvum eſt, ibique maxime elevatum, quo cochleæ tubus in origine iſta fit elatior (xi). Inde ſeptum a tota modioli longitudine emergit, non ad angulos ſemper rectos, ſed ad obtuſum aliquantulum poſterius, ad acutum ſæpe anterieus angulum. Nam ſervato cochleæ poſitu (x) ſeptum tota latitudine ſuo verticale eſt. Hoc quo viciniuſ modioli termino eo arctiuſ, & ubi primum a modiolo exit, rigiduſ, & opaciuſ eſt, inde tenuiſ ſit, albiduſ, atque elatiſciuſ; nam preſſioni cedit, & ſi recens eſt, priſtinum in ſitum reſtituitur. Ceterum fragiliſſimuſ eſt, & levi opera albidior pars a reliqua ſecedit; eaſ etenim inter linea profundiuſcula ducitur, quæ veluti diſcrimen inter utramque ſignat. Cumquē mo-

B 4

dio-

diolus ex spongioso osse, & porosissimo fiat, superficies cochleæ interior undique levigatissima est, eo loco excepto, quo modiolus completur (xi). Septum vero oppositum cochleæ parietem non attingit, ac tubi perinde lumen non integre fecat. Duabus vero lamellis manifeste conpingitur, quæ in libero margine vitri adjumento sunt conspicuæ: ubi intervallum serie minimorum foraminum succedanea completum ostendunt: quæ nudo etiam oculo in siccissimis & longa quandoque maceratione deterfis labyrinthis inspeximus. Minima hæc foramina orificia sunt extrema canaliculorum inter duas septi laminas versus modioli axim decurrentium (xii). Dicunt septum hoc *laminam spiralem*, ut tamen *gyrus albus spiralis laminæ*, dici conveniat, ea pars quæ ad marginem est laminæ (b) liberum, albidior, ut diximus, mollior, vixque proinde ossis nomine digna.

XV. Hic autem gyrys albus laminæ spiralis, a reliqua opaciori parte eo magis est distinguendus, quia per tractum spatii non minimi, intra cochleæ infundibulum, solus absque illa decurrit (i). Nam ubi terminat modiolus, nimirum in fine medietatis primæ secundi gyri (xi), terminat quoque opacior pars laminæ spiralis, de qua infundibulum nihil ingreditur. Solus autem albus ejusdem gyrys ulterius producitur, ita elongatus, quasi modiolum adhuc sequeretur; & sensim acutior circa centrum infundibuli *rostri* forma ducitur (k). Non tamen centrum illud circumambit undique, aut unquam laminam osseam ab suo *marginem concavo ad cochleæ apicem mittit*, uti contra om-

(b) Tab. 1. fig. 3. r.

(i) Tab. 1. fig. 7. e.

(k) Ibidem.

omnes observationes nostras placuit ceteroquin CASSEBOHMIO (l); sed circa eam tantum infundibuli centri partem liber ab omni adhæsione superagitur. quæ a medietate postrema secundi gyri facta est. Qua percurfa, desinit acuto apice (m) intra infundibulum integre suspensus: cumque centro ultimi semigyri curvam latiore comprehendente, minorem circulum prope complet, qui infundibuli tubo [xii] elatiorem, planioremque originem exhibet (n).

XVI. HACTENUS enarratis, auris humanæ internæ compagem osseam descripsimus. Huic autem accedunt plura, quæ labyrinthi caveam perficiunt. Et primum tenuissima membrana, omnem ejus superficiem investiens, cui *perioftii* nomen datum est. Hoc, qua vestibulum vestit crassius est, tenuius longe, qua de vestibulo ad investiendos canales proficiscitur. Hoc eodem ex vestibuli parte fenestra ovalis clausa est, & stapedis basis, qua hæc fenestra impletur, huic *perioftii* productioni accumbit. Inde transit ad cochleam, ejusque omnem superficiem vestit. Est autem cochlea, ob laminam spiralem bipartita (xiv), in semicanalem anteriorem (o) cum vestibuli foramine [iv] continuum, aliumque posteriorem (p) cum rotunda fenestra. Hi vero semicanales *scalæ* dicti sunt, atque prior *scala vestibuli*, alter *sympani scala* nominatus. Hinc apparet facile, has scalas inter se, per omnem tubi cochleam facientis longitudinem communicare: quia septum non integre tubum dividit (xiv), sed a modioloprofectum, ad aliquam

[l] De aure humana §. 195. fig. 6, 11. 3. fig. 10. k. [m] Tab. 1. fig. 7. b. (n) Ibid. c. (o) Tab. 1. fig. 3. 1. (p) Ibid. 2.

quam ab opposito tubi pariete distantiam terminatur. Periostrum vero est, quod accedens laminæ spirali dat pro integro septo supplementum; atque ita fit, ut cochleæ tubus integre dividatur. Nam ab origine penetrans scalæ vestibuli; membranei tubi forma, qui lumini scalæ illius proportionem respondet, dum omnem scalæ longitudinem percurrit, eamque integram vestit ad cochleæ apicem usque, intervallum simul adimpleret, quod inter marginem liberum laminæ spiralis, & oppositum cochleæ parietem intercedit. Cum vero ad rostrum (xv) pervenit laminæ spiralis; quod placuit CASSEBOHMIO (q) *hamulum* nominare, illi pariter accedit, intervallum complens, quod ab ejus convexo margine (r) ad oppositum cochleæ parietem est (s). Efficit tamen sensim diminuta spiralis laminæ latitudo (xiv), ut cum cochleæ gyri fere cylindrice decurrant [xi], inter liberum laminæ marginem, & oppositum cochleæ parietem eo major distantia sit, quo propior infundibulo. Unde sensim majus intervallum cogitur complere periostrum. Hæc periostrii pars, quæ complet cochleæ septum, dicitur *cochleæ zona*.

XVII. Hujus autem cochleæ zonæ, cum spiralis laminæ hamulo, est in apice cochleæ attendenda constructio: Hamulus liberum semicirculum in fundo infundibuli describit; cujus acies acuta non attingit semicirculum paullo majorem, a centro semigyri factum, quo ostium tubi infundibuli compleretur (xv). Igitur, ubi hamulus fit acutus, terminoque proximior, & cochleæ zona ab eo ad oppositum cochleæ parietem emissâ, incipit angustari.

(q) De Aure humana Tract. 5. §. 185. 197. (r) Tab. 1. fig. 7. g. (s) Ibid. i.

stari (t). Nam ad illum parietem, non ut antea pertingit, sed infundibuli pavimento incipit adhærere. Atque, ut acutior hamulus spiralis laminæ fit, ita cochleæ zona minus ab eo elongatur, hamuloque proximior, infundibuli alligatur pavimento (u). Tandem terminato hamulo, zona ipsa arctissima fit, & in hamuli formam quoque producta, in illud spatium immittitur, quod inter apicem hamuli offei, & semicirculum a centro semigyri efformatum inveniebatur [x]. Hic *zona hamulus* cavo margine suo sequitur curvatem cavi marginis hamuli laminæ, convexa alligatur primum infundibuli pavimento, postremum semicirculo a centro nato semigyri. Ita completur in imo infundibuli circulus [y], partim a cavo margine hamuli laminæ spiralis, partim a continuato simili margine hamuli zonæ, & partim denique a reliquo centri ultimi semigyri efformatus. Circulum hunc *orificium tubi infundibuli* appello, quem tubum, *canalem scalarum communem* dixit CASSEBOHMIUS [z], ejusque orificium *foramen superius* ejusdem canalis.

XVIII. Qui dicta (xvii) perceperit animo, facile intellet, scalam vestibuli longiorem esse tympani scalâ; illa enim per anteriorem zonæ faciem excurrent, ad semigyri ultimi aciem (a) ascendit, hæc posterius relicta, ad zonæ in infundibuli pavimento definit insertionem (xvii). Quæ insertio in ipsa semigyri ultimi origine est; etiam aliter contra naturæ vocem scripserit, & pinxerit CASSEBOHMIUS [b]. Hinc duos hæc primos cochleæ

(t) Ibid. k. (u) Ibid. ll. (x) Ibid. nn. (y) Ibid. c.
(z) Lib. cit. §. 194. (a) Tab. 14. fig. 7. id. (b) Lib. cit. Tab. 15. fig. 3. h. i.

chleæ gyros percurrit, illa integrum quoque semigyrum. Accedit quod & hamulus zonæ (xvii), quo se postremo infundibuli inserit pavimento, sæpe ex parte infundibuli convexa facie sit, ex ea scalæ tympani concava; illaque propterea cum continuo acclivi semigyri pavimento, angulum obtusum, hamulus intercipit. Si ergo hamulus gyri albi laminæ spiralis liber in infundibulo suspenditur (xv), ita ut inter hujus fundum, & hamulum distantia sit, uti & inter hunc & cupulam (xiii) illius; atque accedens zonæ hamulus, veluti continuatio sit hamuli laminæ spiralis; facile est intelligere, inter hamulum laminæ, cum reliquo zonæ hamulo, & secundi gyri pavementum, circa cujus centrum hamuli diriguntur, distantiam relinqui, *hiatus* prope *triangulari* in infundibuli tubo patentem. Hiatus huic margo hamulorum concavus dat latus superius, centrum medietatis postremæ secundi gyri modiollo carens dat latus inferius, & distantia ab hamuli basi ad centrum illud, sive modiolli medietas sub hamuli basi posita, triangulum complet prope curvilineum. Per hunc igitur hiatus, scalæ tympani sub hamulis terminata (xviii) in tubo infundibuli patet. Hæc est arcana tota *scalarum communicatio*, de qua vel adhuc dubitant. Clari Viri, vel talia prodidere, ut qualis sit, & quomodo facta, difficillimum sit intelligere.

XIX. PER *foramen* igitur *triangulare* scalæ tympani (xviii) reflectitur peristium, omnemque ejusdem scalæ, ad fenestram usque rotundam, ambitum investit. Ita zonæ lamina accedit altera, qua paullo robustior sit. Sed & ante rotundam fenestram peristium idem expanditur, eandemque clau-

claudit nomine *membrana fenestra rotunda*. Hæc accedente ex tympani parte ejus cavitatis peristio roboratur, duriorque fit; & ex eadem parte, velis cellularibus oppansis, sæpe defenditur.

XX. GYRI autem cochleæ singuli, veluti aereæ intet duos circulos concentricos positi, considerandi sunt; ita ut ambitu exteriori longiores sint; interiori modiolus includente breviores. Capitis mensuris hanc inter eos proportionem inveni. Primi gyri ambitus exterior æqualis lineis decem, interior lineis $6\frac{1}{2}$; exterior ambitus secundi gyri cum reliquo semigyro, æqualis lineis $8\frac{1}{2}$, interior ad modiolum lineis tribus. Hinc totus ambitus exterior tubi cochleam facientis æqualis erat lineis $18\frac{1}{2}$, interior lineis $9\frac{1}{2}$. Cumque spiralis lamina margine libero axim tubi percurrere considerari possit, media proportionalis ejus marginis longitudinem præbebit, quæ erit linearum circiter tredecim. Axis modioli altitudinem vidi æqualem lineæ 14. Axim integrum totius cochleæ spiræ, a basi modioli ad centrum cupulæ infundibuli, paullo majorem lineæ 12.

XXI. SCALARUM tamen cochleæ capacitas inversam longitudinis rationem videtur sequi. Nam longior est scala vestibuli, & angustior; brevior latiorque scala tympani. Hujus rei causa duplex. [1] Lamina spiralis ortus non a media superficie modioli, sed aliquantum proximior scalæ vestibuli, ut non mihi desint observationes, in quibus supra laminam ex hujus scalæ parte, vix de osse modioli fuit aliquid conspectum; & (2) zona cochleæ in insertione ad oppositum parietem, antè inclinata. Scalæ tympani, major tamen frequenter est capacitas prope rotundam fenestram;

de qua infra edifferemus. Hic unum addam, cochleæ zonam pellucidissimam esse, simulque tenuissimam, ut nisi in recentibus, cauteque perficatis cochleis inquiratur, difficile sit inveniri.

XXII. His omnibus addendi sunt nervi, quorum maxime causa hoc artificium machinatum est. Hi a medulla oblongata veniunt *septimi paris* nomine, duplicique fasce compositi; alio, eoque duriori antèius nato, a fovea in ortu extrorsum existente pyramidalium, ejusdem caudicis, corporum inferiorum; alio majori, molliori-que, posterius a quarti ventriculi pavimento, radicibus per id repentibus albisimis educto; illo *durae* (c), hoc *mollis portiois* nomine donato (d). Ambos, in unum fascem complexi, foramen intrant acusticum (e), quo posteriori interno latere (f) os petrosum aperitur (g), perque canalem ei foramini continuum (b) extrorsum, antrorsumque vergentem progrediuntur. Hujus canalis longitudo sex lineas non excedit, quibus percursis, cæco ampliorique fine terminatur. Hoc in termino, foveolis aliquot, quasi recessibus instructus est, quas *sedes FELIX* olim PLATERUS nominavit (i). Dicunt communem nervorum canalem. Hujus orificium ovale est, resectioni scriptorii calami perquam simile longiorique axi horizonti parallelum. Lumen vero semilunare dicendum est, cujus cornua vergunt antrorsum. Nam a superficie anteriori, ipsoque propemodum orificii limine, exurgere spina incipit (k), quæ sensim introrsum ducta extantior fit.

(c) Tab. 2. f. (d) Ibidem g. (e) Ibidem b. (f) Tab. 1. fig. 1. cc. (g) Ibid. o. (h) Tab. 1. fig. 2. u. fig. 3. a. (i) De Corporis humani structura lib. 3. Tab. 7. fig. 4. (k) Tab. 1. fig. 1. 3.

fit: cumque in fine intimo canalis pervenit retrorsum recurvata falcis specie, in posteriori canalis pariete evanescit. Hæc ut non mediam parietis anterioris superficiem percurrit, sed aliquantulum superior est, ita neque cæcum ejus finem æqualiter bipartitur, sed superiorem minorem sedem, ab inferiori longe maxima discriminat. Duo semicanales hac ratione oriuntur in pariete canalis communis anteriori, alter supra spinam minor (l), alter infra longe maximus (m). Semicanalis superior non antea superiorem sedem attingit, quam foramine pertundatur, in superiori latere eodemque anteriori petrosi ossis aperto (n); a quo canalis incipit pariter osseus, per superiorem primum fundi tympani (11) partem decurrens, hinc retrorsum devolutus, sensim latior, ac tandem retro processum styliformem apertus. Hunc FALLORIUS *aquæductum* appellavit (1).

XXIII. DURA mater per ostium reflexa canalis communis (xxii) ejus omnem superficiem investit, & per FALLORII *aquæductum* protracta hunc quoque sublinat, Arachnoidea vero jam protuberantiæ anulari, a qua distat tractu non modico, cellularibus filis alligata, intra communem nervorum canalem ingreditur, fascique nervoso laxam exhibet communemque vaginam. Pia quoque ut reliquis, ita his præcipue nervis applicatur. Qui cum plurimis filis invicem cellulari membrana colligatis constare videantur, eorum singulis pia peculiare exhibet involucrium. Sæpe vero ab hoc nervorum fasce cellulosa fila ascendisse conspexi, tenuia quidem, ac ut solent araneosa, communisque canalis fornici alligata. His muni-

men-

(l) *Ibidem*. 1. (m) *Ibidem* 2. (n) *Tab.* 1. *fig.* 4. n.

mentis progrediuntur nervi; quorum dura pars, quæ fascis totius anteriorem semper ab origine ad finem locum occupat [p], totoque decursu veluti in sinu recubat nervi mollis, per semicanalem superiorem [xxii], ad eam certe ducendum a natura formatum, constanter ducitur. Cumque ad foramen pervenit, quod FALLOPII aquæductui præbet originem (xxii), a molli nervo sejuncta illud intrat, omnemque aquæductus longitudinem percurrit. Quo quidem in itinere ramum insignem dat (et si accipere potius Clari Viri putaverint (p) canali VIPIANO; ramulosque musculo EUSTACHII, atque stapedis (xxxv), tympanique chordæ faciendæ. Demum per posteriorem styliformis processus partem egressa, datis sæpe auriculæ ramis, per genas ad frontem usque & nasum, innumeris cum utroque maxillari paris quinti factis anastomosibus definit. Nullæ ergo cum aure interna duri nervi partes sunt.

XXIV. SED totus ad eam pertinet nervus mollis [q], cujus ne minimum quidem filum in aliam partem distribuitur. Hic ab ipso e cerebro egressu, tribus distinctis fasciculis componi videtur, ita sæpe dispositis, ut anterior unus [r], posterior alter [s], summo loco sint, tertius anterior omnium positus utrique supponatur [t]. Eorumdem major postremus est, ac ita mollis, ut facile diffuat, videturque haud abs re posse putari, ἐπιθετον nervi mollis ob hanc fuisse particulam toti nervo tributum. In intimo hic sine perveniens canalis communis, sedem petit majorem, infimam,

[p] Tab. 1. f. [p] Meckelius de quinto parve nervorum cerebri §. LXIV. [q] Tab. 2. g. [r] Ibidem. 1. [s] Ibidem. 3. [t] Ibidem. 2.

finam, interioremque ex his, quæ inibi sunt exculptæ (xxii). Hæc autem sedes in axe modioli excavata est, & foraminibus prædita, quæ acervatim in *spiralem tractum* disponuntur. Qui tractus spiralis foraminosus incipit ab exteriori posteriorique sedis parte, ac directionem sequitur ejus partis modioli, quæ in cochlea complenda occupatur (xi). Quæ sane modioli pars finem habet in fundo sedis, qui apici cochleæ respondet. Atque ut eadem pars modioli, quo apici cochleæ vicinior eo est arctior, ita & foraminum acervus eo est minor, quo eidem loco proximior fit. Aperto autem cochleæ tubo atque soli obverso, oculis eodem tempore in hæc foramina intentis, omnia in tympani scala respondere videntur. Quo sane loco asperiores diximus (xiv) cochleam observari. Hæc faciunt ad dicta (xxi [i]).

XXV. Hæc igitur pars nervi mollis, quæ omnis est in cochleam dispergenda, in hac sede consistit; quam occupat quidem, non implet. Capacior etenim ea est, quam ut possit a tenui hoc nervo repleri. Neque aliam hujus sedis partem ejus ramuli adeunt, quam foraminibus occupatam (xxiv). Ad hæc foramina ita nervus accedit. Antequam sedem pertingat, ramos aliquot ab inferiori sua parte emittit omnium longissimos, qui in itinere in minores alios divisi sedem intrant, ejusque foramina ab origine spiralis tractus successive pervadunt. Et hi eam maxime modioli partem subeunt, quæ prioris cochleæ gyri primam complet medietatem. In reliquo namque tractu, princeps ipse truncus in sedem ingressus, brevioresque in ramos divisus, dispergitur. Hæc ramorum in spiram disposita insertio efficit, ut spatium

intermedium relinquatur, quod a forma *spiralem intervallum nervi cochleæ* appello. Ramuli hi, per suum quisque foramen decurrens, in spiralem laminam certissime ducuntur: eam etenim versus contendere vidi. Verum modioli ex parte cochleæ superficies ad quam foramina spectant, non ita irregulariter aspera est, quemadmodum adutorum cochleæ ostendunt, sed trabeculis basi cochleæ perpendicularibus donata, parallelo vicino positu dispositis. Has superaffusus osseus succus occultat in adultis, & maxime conspicuas fetus offerunt. Quo fit ut diu incertus hæream, an per axim cuiusque trabeculæ, quas deinceps *columnas scalæ tympani* appellabo, an per earum intervalla nervi ad spiralem laminam perducantur. Continuari tamen hos nervorum ductus cum canaliculis inter lamellas spiralis laminæ descriptis (xiv); perque hos ad intervallum zonæ cochleæ nervorum ramulos transire, etsi pro summa tenuitate rerum non videam inspexisse, extra omne tamen dubium afferri posse credo. Ultra de hoc nervo me nihil scire sincerus fateor.

XXVI. SUPERIORIBUS vero fasciculis nervi mollis duæ præcipuæ distinctæ sedes in eodem termino canalis communis destinantur. Et anteriori quidem sedes minima datur, quæ prope originem aquæductus FALLOPII [xxii] superior omnium profundiorque est. Ab ea in fetu tubus incipit peculiari testa formatus, qui in ipso anteriori extremo canalis externi (ix) permanet sine cæco; in adulto præter profundius foramen centrum sedis occupans, foramina parva plura in ea conspicua sunt, filis osseis in retis formam dispositis distincta. Nervosus plexus eam penetrat, in tot ramos di-

divisus, quot ea sunt foramina, paucissimis vasorum relictis introitui; & ex his intra vestibulum, ubi finis eorum foraminum extat, perducitur. Nam pyramis ossea in vestibulo erecta (111) adjacentque elatiori parti curvi marginis fenestræ ovalis, tubulatos denticulos cum sedis hujus foraminibus continuat; & quæ circa basim hujus pyramidis acervatim foramina disponuntur, iisdem pervia sunt. Fila hæc omnia cum in vestibulum pervenire uno excepto, quod, sæpe canalem externum [IX] penetrare contpexi, ab ipso a pyramide, adsitisque foraminibus exitu, veluti a centro in membranam simul expanduntur, quæ versus fundum vestibuli contendit. Hæc ita distenditur, ut integrum septum in vestibulo faciat, toto ambitu circumligatum, quo cavitas hæc bipartitur, in *cavitatem anteriorem*, atque *posteriolem*. In anteriori vero quæ simul superior est & imminet posteriori, cavitas semiovalis (111) cum anteriori orificio canalis externi (IX), & proprio superioris (V) continetur; in posteriori supposita, cavitas hemisphærica (111), orificium canalis communis [VII], posterius externi (IX), & posterioris proprium aperitur (VI). Membranam nervosam istam *septum nervosum vestibuli* appello.

XXVII. SEPTUM hoc, qua a pyramide vicinisque locis exit album est, & radiatas nervosas fibras manifestat, versus fundum vestibuli decurrentes: paullatim vero extenuatur, & diaphanæ membranæ formam acquirit. Spina discriminans semiovallem ab hæmisphærica cavitate (111) pro insertionem inferioris septi nervosi partis maxime facit. In juniorum præcipuè fetuum siccatis absque ulla maceratione prævia vestibulis, quamdam vidi

a pyramide ejusque vicinia albissimi veluti flabeli speciem prodire, quod ab exsiccatis nervorum mollissimis filis efficiebatur: adhibita etenim maceratione difflebat. In eodem quoque septo, prope communis canalis orificium, maculam albissimam fere quadrangulam sæpe observavi, leni tactu diffluentem, quam mollissimam esse diceres cerebri medullam. Neque, etsi primo aspectu tenuis structura septi videatur, absque robore esse putandum est. Nam per communis canalis orificium tria prope mercurii grana in anteriorem vestibuli cavitatem impulsi, atque posito ita septo, ut mercurii moles in eo gravitaret, absque ulla ruptione sustinuit. Robustius tamen in ortu est, in ambitu reliquo facilius dissolvitur. Totum autem a duplicatura videtur vestibuli perioestii vaginatum, cum aperte conspexerim perioestio canalis communis (VII) continuari. Hæc nisi in recentissimis auribus, cauteque dissectis observentur, comperiri non poterunt: nam in siccatis cuncta turbantur, plurimis partibus vestibuli parietibus accretis, quæ in eo antea libere suspendebantur.

XXVIII. POSTERIORI nervi mollis fasciculo, posterior omnium sedes in communis nervorum canalis sine est destinata, quæ sub falce ejusdem spinæ (XXII) posita, cum sede ad cochleam ducente prope continuatur. Hæc tota reticulata est, latior minusque profunda præcedente (XXVI). Nervus hic per sedis suæ foramina in proximam hemisphæricam cavitatem sua stamina ducit, quæ cum ibi sunt perventa in mollem pulpam diffluent, libere in ea cavea fluitantem. Per eam tamen maculam, qua hemisphæricam cavitatem opacari diximus (III), maxima nervi pars transfit.

Aliud

Aliud quoque foramen solitaxium, & maxime conspicuum, frequentissime patet in eodem communi nervorum canale, & in posteriori descriptæ sedis parte supra marginem sedis cochleæ introrsum ponitur, ramumque nervosum ex hoc ultimo fasciculo ducit. Foramen hoc ad orificium proprium canalis posterioris (VI) pertingit, inque multa foramina dissipatur, quæ in cavea aperta sunt, quam prope illud orificium hunc diximus canalem obtinere. Quæ foramina acuto eminenti aggere, a vestibulo separantur, & nisi aperiatur canalis inconspicua sunt, maculamque foraminosam ibi parvam efficiunt, quam fetus elegantissime ostendunt. Per eam ramus nervosus in minores alios divisus deferitur, & partim fluitans, partim per posteriorem canalem repens terminatur. Singula hæc fila tenuissimis pariter periostii expansionibus, veluti vaginulis, ad firmitatem includi credibile est.

XXIX. EXPANSIONES istæ omnes a molli nervo in labyrintho factæ, cum mollissimæ sint, ne collabescerent ultro, propositumque naturæ in earum formatione turbarent, aquosus humor adjunctus est, quo ipsæ susceptæ sustineantur & hæreant. Humor hujus tanta copia est, ut cavum integrum labyrinthi repleat, in quo nulla omnino pars est, quæ in naturali statu hoc humore sit vacua. Hoc est primum *παραδοξον*, quod in medium afferre videbor, in tanta quidem Anatomicorum omnium, quod sciam, consensione, existimantium madescere quidem, non ad amussim impleri hoc humore labyrinthum, & aërem a tympano venientem simul continere. Qui vero attente, non in humanum modo labyrinthum, sed & eorum quoque animalium, quibus humano respondens laby-

rinthus datus est, rem ipsam inquisiverint, mecum absque dubio manifeste videbunt, nihil aëris in labyrintho in aure recenti, ac vivo propterea homine inveniri, sed omne spatium lymphâ repleti. Ideo quamquam summis adversantibus Viris, asserere non dubitabo, neque aërem in integro labyrintho adesse, neque aliqua via in eum penetrare posse (xxxvi). Qua in re minime quidem demonstrare contendo, Virorum fuisse Clarissimorum commentum, *aëri in labyrintho locum esse*, cum & vidisse potuerint, & ex observatis de ejus existentia judicasse; sed illud potius existimo, eos in auribus longo post mortem tempore inspexisse, aut si citius inspexerunt, non ita caute labyrinthum perlustrasse, quemadmodum huic rei definiendæ necessarium est. Quoties enim auris recentissima, & integra, nec dimoto stapede ad observandum assumitur, dum leviter stapes de fenestra ovali subducitur, totum vestibulum aqua plenissimum observatur. Imo si in ipsa calvariæ basi, aliquis canalium semicircularium unò ictu frangatur, lumen aqua plenissimum ostendet; quod & in cochlea discissa manifestissimum est. Sensim inde hic humor patefacto labyrintho evanescit, partim ab atmosphæra absumptus, partim a vicinis ossibus sensim exsiccatis imbibitus, & vacuum nuspiam naturaliter verum relinquit. Ex his non incongrua videtur comparatio facta inter pulpam nervi optici retinam in oculo faciëntem, & has acustici nervi expansiones: æque enim per foramina in retis formam disposita suas caveas intrant, æque humectata detinentur, æque sustentata.

XXX. Quot ergo foramina, per quæ nervi in vestibulum intrant? Non duo, ut fortasse puta-

ta-

tavit DU VERNEYUS (u); non quinque ut VALSALVA (x), sed innumera (xxvi, xxviii). Quid *zona sonora* a VALSALVA (y) proposita? Aliquid in quo bonus dormitavit HOMERUS. Quid *aër ille ingenitus* Aristoteli (z) dictus, & toti prope antiquitati acceptus, cui tantum Anatomici, & Physici videntur tribuisse? Patet (xxix).

XXXI. FONTES humoris, quo labyrinthus impletur, non difficile est investigare. Cavea enim labyrinthus est aliis humani corporis cavitatibus similis, quæ si vivo in animali aperiantur, fumum exhalant, quem *vaporem* dicere consueverunt. Talis in patefactis cerebri ventriculis mihi in canibus visus est, & Clarissimis ante me Viris; talis in aperto canum abdomine, pectore, pericardio in conspectum venit, ut vere Vir Summus paucisque comparandus ALBERTUS HALLERUS nuperissime scripsit. Sic enim de fontibus aquæ pericardii; *si vivi animalis cor pericardio nudaveris, adparet omnino & ex toto corde, & ex pericardio fumum exhalare, qualem etiam calens peritonæum, & pleura & dura mater emittit, & quem in aquam coire novimus* (a). Fumus hic ab arteriarum extremis, in membranarum labyrinthi caveam vestientium superficie patentibus exsudat, quam injectionibus viam solemus imitari. Arteriæ istæ a cervicali VIEUSSENII natæ, ramo unico, aut bifido, septimi paris comite, veniunt in labyrinthum, cujus investientem membranam (xvi), & nervosum septum percurrunt.

C 4

XXXII.

(u) *De Organo Auditus Part. 1. p. m. 11. Edit. Norimb.*

(x) *De Aure Humana Part. 1. cap. 3. §. xi.*

(y) *Ibid. §. xii.* [z] *De Anima lib. 2. text. 8, 83.*

(a) *Physiologia Corporis humani Tom. 1. p. m. 195, 96.*

XXXII. TANTO artificio [II ad xxxi] elaboratum est opus, in quo ultima est soni impressio instrumentis animæ communicanda. Nec re ipsa perpenſa equidem minori opus erat. Primo etenim summa est factum naturæ sollertia, ut nervi audiendo perfecti duro lapidoſoque osse concluderentur. Quod ne soni perceptio deficeret, eo etiam in statu, quo planior per auriculam, & tympanum via obſtructa est, aut alia quavis ratione impedita, apprime conducit. Namque sonum percipere non possumus, nisi tremorem in corporibus extra nos positis excitatum integre hauriamus. Nemo vero hoc in statu hauriet, nisi eundem proxime accipiendo, atque ad eas omnes partes transferendo, quæ nervis circumponuntur: ut ita nervi tandem tremore complexi concutiantur, sonique vim concipiant. Accipiendo autem, vividiusque conservando tremori, non est duris elasticisque corporibus aptius quidquam. Cujus naturæ cum sint ossa, & ea maxime quæ nervi acustici expansiones concludunt, sonori corporis acceptas vibrationes, & concipient facilius, & vividius conservabunt, conclusisque nervis tandem reddent. Huic quoque utilitati prospectum est, artissime committendo ossa lapidea cum cælo, basique calvariæ, quorum resonantia facilius diutiusque concutiuntur. Oportuit tamen nervos humore inundari, ne si ab ipso immediato ossium contactu deberent sibi tremorem comparare, nimium pro teneritudine sua laceſſerentur. Humor etenim intermedius leniter undans ob acceptum ab ossibus impulsus, concutit nervos, sed molli, nec aspero contactu. Qualem utilitatem in iis reapse observamus, quibus datum non est auribus so-

sonum haurire. Dum etenim premunt sonorum corpus, maxime dentibus ossium elasticissimis, sonum percipiunt discernuntque. Mirum hujus rei exemplum apud gravissimum Virum JOANNEM PHILIPPUM INGRASSIAM relatum est (b): *Quidam, inquit. Hispanus noster ob raras ipsius animi dotes familiaris, non ex nativitate quidem, sed ex morbo factus est surdus, obstructo inquam exterius auditorio meatu, qui tamen recte atque exquisitè cytharam priusquam surdesceret pulsare tangereque didicerat. Quoties vero nunc surdus jam redditus eam pulsat, nullam ex ea musica delectationem perciperet, tanquam non audiens eam, nisi cytharæ ob id consueto longius factum manubrium, propriis dentibus morderet, oreque compræhenderet, aut saltem per virgam ore proprio appræhensam, alia ex parte pulsatam a se cytharam tangeret. Hinc surdis, si super caput magna voce loquutus fueris, audire datum; intolerabilis prope sanis ibi stridor. Tormentorum bellicorum fragorem, ad eam distantiam, qua nequeunt vel perfecte audientes audire, baculo terræ infixio, & dentibus appræhensio, vel capite super maximo lapide firmato audiri, vulgo pro certo habetur.*

XXXIII. NOLUIT VERO NATURA nos hoc solo uti audiendi modo, quo sonum quidem percipere possumus, ejus attamen varietates integre distinguere non valemus: quique magnis quoque sonis percipiendis aptus esse potest, minoribus, quales frequenter in vitæ usu occurrunt, & præsertim fermocinationibus conveniunt, minime potest.

(b) In Commentariis in Galenum de Officiis Cap. 1. Text. 8. p. m. 97. Ed. Panormi 1603.

test. Hinc elastico fluido pro sono propagando u-
sa est, cujus partes mobilissimæ cujuscumque soni
etiam debilissimi impetum recipiunt, & simul e-
lasticæ servant & propagant. Hujusmodi est ær,
qui omnibus corporibus est circumpositus, & vel
minimas eorundem vibrationes accipit, atque in
sphæram sonoro corpori concentricam propagat,
ea vi quæ sit in reciproca duplicata distantiarum
ratione, uti evicit JOANNES KEILIIUS (c). Ut ex
hoc verò sonum hauriremus, elegantem in nobis
viam fabrefecit, quæ ipsius æris tremores vividis-
simos servat, & molli nervi acustici pulpæ inte-
gros communicat. Per auriculam nempe, & ei
continuum auditorium meatum, ad membranulam
tenuem tensamque, figuræ prope ovalis, intimum
meatus finem absque hiatu ullo claudentem, cui
membrana tympani nomen est, pars moti æris per-
venit, si intra sphæram sonoram homo sit, eique
impetum a sonoro corpore acceptum communicat.
Qui ut ab ea ad vestibulum perducatur, per in-
terpositam tympani cavitatem ejusdem integra vis
est continuanda. Etenim post hanc membranam
subrotunda est cavitas in osse excavata membra-
næ concentrica, *tympanum* FALLOPIO dicta; cujus
finis vel fundus (II), in quo fenestra ovalis adest
ducens ad vestibulum (II, III), parallelus est
membranæ tympani, vixque duas ab ea lineas di-
stat. Ut vis igitur impetus æris a tympani mem-
brana ad vestibulum pertingeret, ossiculorum ca-
tenam in intermedio spatio NATURA collocavit,
cujus una extremitas membranæ tympani firmiter
al-

(c) In Introductione ad veram Physicam. Lest. 1. p. m.
14, 15. Edit. Batava 1725.

alligatur, altera fenestram ovalem mobili connectione integram occupat. Quatuor hæc constat ossiculis, quæ tam arte ligamentosis membranis invicem commissa sunt, ut primo a tympani membrana, cui cohæret, impulso, postremum a fenestra ovali versus vestibulum illico moveatur.

XXXIV. HORUM ossiculorum hæc nomina sunt; primum *malleus* dictum est, aliud *incus*, tertium *orbiculare*, quartum *stapes*. Omnium majus *malleus* est, oblongum nempe ossiculum ad quatuor prope lineas, una extremitate capitatum, altera in caudam, ac veluti *manubrium* desinente; qua sola parte membranæ tympani alligatum est, ab ejusdem superiori margine ad centrum. Caput enim eminentius est ac tympanum versus recurvatum. Huic ossi, præter minimam eminentiam a summitate manubrii extrorsum natam, tympanique membranæ infixam, processus quidam antè datus est duas tresve lineas longus, in fetu tenuis, in formam spinæ pisciculi, crassior firmiorque in adulto, quem ab inventore *processum* FOLIANUM appellant. Hic proprio canaliculo suscipitur & firmatur, ita tamen ut permittat circa se malleum tantisper dimoveri. Quo fit ut ab aëris motu impulsæ membrana tympani, dum manubrium introrsum secum portrahit, ob hunc processum, qui axis fungitur officio, circa quem malleus agitur, caput eodem tempore vergat extrorsum. Est vero caput mallei *incudi* articulatam, quæ extrorsum retrorsumque ei adjacet; ossiculo nempe utrinque compresso, sursum latefcenti in basis formam, atque ad recipiendum mallei caput excavato, deorsum in bina crura diviso, altero posteriori breviori crassiorique, acuto fine supra introi-

troitum cellularum mastoidearum firmiter inhærente, longiori altero anteriorique, manubrio mallei parallelo, ac parumper interiori. Hujus cruris extremitas versus fundum tympani recurva, minimum *lenticularis formæ ossiculum* sustinet, quo intercedente stapedi est articulata. Qui *stapes* recte a forma nominatus, basi constat ovali, ad tympanum cava, ad vestibulum convexa, fenestram ovalem (III, XVI) apte occupante, & duobus cruribus, quæ se respiciunt sulcatis, membranaque tenui conjunctis, ab extremis baseos ortis: quæ copulata capitulum efformant cum lenticulari osse connexum. Ambo hæc cura in eodem plano sunt horizontali.

XXXV. OSSICULORUM autem motus etsi maxime a membranæ tympani concussione dependeat (XXXII), non parum tamen a musculis quibusdam adjuvatur, qui ab eodem membranæ tympani impulsu, ratione alibi declaranda, ad motum invitati sunt. Malleo etenim primo musculus datus est minimus, soloque FOLIANO processui, cum quo decurrit, famulandus; tum insignior alter tributus est, qui in canaliculo collocatus tympani fundum supra introitum EUSTACHIANÆ tubæ occupante, tendinem suum ad rectum prope angulum ad manubrii mittit originem. Et hic, quem EUSTACHIANUM ab inventore nominant, agendo, manubrium mallei versus fundum vestibuli adducit, & caput ejusdem versus meatum auditorium rotat (XXXIV), ut propterea non immerito *rotatorem mallei* soleam nominare. Caput ejusdem ossis dum extrorsum urgetur, basim incudis sibi connexam secum trahit, quæ uno cruri firmiter insitens (XXXIV) eoque posteriori, rotatorio circa ipsum motu agitur, & ita crus aliud malleo paral-

rallelum urget versus eundem tympani fundum. Sic lenticulare ossiculum cum reliquo stapede urgetur directione prope horizontali. Verum musculus alter stapedi datus est, qui peculiari clausus canaliculo ante aquæductum FALLOPII per posteriorem tympani partem descendente posito, tendinem emittit per medium exeuntem ossæ papillulæ, in qua ille desinit canalis prope posteriorem partem pelvis fenestræ ovalis. Qui tendo oblique extrorsum primo decurrit, ac postea capitulo stapedis posterius infigitur ad acutum angulum introrsum. Hinc dum actione sua hic musculus fungitur, introrsum retrorsumque stapedem agit. Quo fit ut pars posterior ejusdem basis in vestibulum intret, anterior latiorque a contactu marginis fenestræ ovalis minime discedat. Hæc etenim anterior pars per latum ac veluti triangulare ligamentum ab ipsa ortum, & in foveolam existentem supra idem fenestræ extremum insertum ita firmatur, ut, nisi notabili vi adhibita, separari non possit. Qua certe ex re dependet, quod ubi stapes, resecto tendine qui suo capiti insertus est, a fenestra ovali extrahitur, facile posterior basis pars exeat, difficulter anterior.

XXXVI. Hoc sane ligamentum in recenti aure paullo diligenter perquisitum quisque poterit depræhendere, maxime si ab humore, aliisque membraneis productionibus pelvis fenestræ ovalis sit rite deterfa. Qua diligentia manifestum fit, non extremitatem hanc solam baseos stapedis singulari ligamento devinciri, sed omnem ejusdem ambitum cum fenestræ ovalis margine ligamento pariter deligari; ita tamen ut elevato paullulum depresso sic stapede, ut parum a situ suo detur.

be.

betur, nullam distantiam ei cum fenestra ovali intercedere manifeste demonstret. Imo sæpe relicto stapede, quemadmodum natura deligatus est, & per aliquem aquæductum (1), impulso in labyrinthum mercurio, quo cessurus novo corpori humor labyrinthum implens (xxix) effugium quæreret, elevari quidem eo stapedem, ac maxime attoli versus tympanum, nihil autem humoris in pelvim exsudare conspexi. Circulare hoc stapedis ligamentum finit equidem partem basis posteriorem vestibulum penetrare: estque a parte tympani, ita periossio, a pelvi ad vestiendum stapedem continuo tractu transeunti, connexum, ut natum inde dici posset. Hoc artificio prohibitum est, ne dum stapes posteriori basis parte intrat vestibulum, aut nimis alte hoc subire, aut simul elevari anteriori possit extremitate, ærique tympani facilem aditum in vestibulo facere. Debuit hoc natura mollitudini nervosarum expansionum labyrinthum incolantium, quæ ab æris immediato contactu atque pondere exsiccari, occallescere, aut rumpi, & ab acris humoribus sæpe tympanum incolantibus lædi facile potuissent. His certe non attendit HAMBERGERUS, quando in statu ordinario *basim stapedis nunquam parietes osseos fenestræ ovalis contingere debere* scripsit [d], cum quibus sane parietibus ita ad amussim aptata est, ut visa in situ suo integre servato a parte vestibuli, nil aptius effingi posse videatur. Mirorque Viros doctissimos persuadere sibi potuisse, stapedem ita a musculo suo attrahi, ut *posterius fenestram ovalem altius subeat*,

(d) *Physiologia Medica cap. ix sect. 5. de Auditu §. MCX.*
p. m. 305.

*beat, antèrius ex ea exeat, quo fiat ut a basi stapedis prematur nervea pulpa vestibuli & ab aëre tympani. Cui quidem errori, quem dolenter agnosce-
re sum coactus, illud videtur dedisse locum, quod
in siccis & maceratis fortasse auribus sua hi do-
ctissimi homines instituerint experimenta. Quæ si
in recentibus fuissent profecuti, quemadmodum a
nobis factum est, nullus dubito, quin & ea ani-
madvertissent, quæ superius a nobis sunt relata,
& in ipsa natura rationes inspectassent, quibus im-
possibilis ostenditur omnis sive aëris, sive alterius
rei a tympano ad vestibulum accessus. Et quia
eorum, quæ natura sunt æternum est exemplar,
ii omnes, qui de rei veritate sibi cupiunt satis-
facere, naturam adeant, eamque cominus intue-
antur.*

XXXVII. Nos vero cum harum in rerum
investigatione versaremur, in ipsa basi stapedis ad-
huc fenestra ovali compræhensa, atque ex vesti-
buli parte prospecta, novum quiddam animadver-
timus, ad impediendam educationem anterioris e-
iusdem partis ab eadem fenestra opportunissimum.
Nempe ab hac extremitate basis ex parte vestibuli
apophysim triangularem emitti, quæ supposita
margini anterioris extremi fenestræ ovalis ob id
leviter sinuati, ibidemque implantata, pro fulcro
est, quo hæc basis stapedis pars firmiter, ne forte
exeat, retinetur. Hanc apophysim in omnibus, quos
ad hunc diem observavi, hominis stapedibus, etsi
alia atque alia pro varietate hominum magnitu-
dine, constantissimam tamen adesse comperi: po-
testque facile; educto etiam de ovali fenestra sta-
pede, observari. Quo signo, quæ anterior ejus
basis pars, quæ etiam posterior sit, judicabitur.

Pe-

Periostium ceterum ipsum, quo vestibulum induitur, quodque eidem fenestræ ovali ita oppanditur, ut ab ejus ambitu supra totam basim stapedis sit conjectum (xvi), per se quoque cuius rei penetrare tentanti dat impedimentum. Quibus singulis quidem universisque perpensis, nihil movere me VIEUSSENI experimentum asserere non dubito, quem Virum *fumos & vapores meatui auditorio immisos emergentes ex fracto canali semicirculari observasse* lego apud CL. HALLERUM (e): eo dolenter opere adhuc destitutus, quod de Auris fabrica ab eodem scriptum est.

XXXVIII. SOLA igitur posterior basis stapedis pars versus vestibulum vi duplici propellitur. una proprii musculi ope, altera incudis (xxxv). Ne vero in isto ingressu nimis alte penetraret, evadensque limites fenestræ ovalis, ita vestibuli caveam subiret, ut nato inter ipsam basim & fenestram intervallo, humori vestibulum implenti via satis ampla ad tympanum pararetur, ligamento primum cautum est, quo stapedis basis fenestræ ovali toto ambitu firmatur, deinde eidem fenestræ ovali eo loco, per quem anterior basis pars est descensura, osseum additamentum versus vestibulum tribuendo. Cum enim circulare basis ligamentum non ultra statutos limites penetrare stapedem permittat, osseum hoc fenestræ additamentum ita protenditur, ut spatium integrum a posteriori basis parte in introitu percurrendum teneat, hiatusque nascendum præoccupet. Hujus autem, ut sæpe sit, deficientis ipse stapes vices supplet, nam pars
ejus

[e] In Commentariis ad Boerhaavii institutiones §. DLXI. not. 7. to. 72. 3. p. m. 221. edit. Taurinensis 1745.

ejus basis vestibulum ingressura, marginibus maxime elevatis ex tympani parte donatur, qui intervallo a dimoto stapede cum fenestra ovali nascendo substituantur,

XXXIX. Hæc autem omnia (xxxv ad xxxviii) non sine maxima providentia instituta sunt. Dum etenim stapes, anteriori basis parte immota, sola posteriori in vestibulum intrat, partem circularis curvæ in ingressu describit, circa anteriorem extremitatem, quasi centrum ductam. Ac proinde posterior basis pars directionem motus anteriora, versus nata, secundum eandem profecto aquam vestibuli impellit. Hæc itaque mota versus anteriorem vestibuli extremitatem properat, quæ cum nervoso sepimento a posteriori discernatur (xxvi), in hoc veluti in obstaculo vim suam integram exferit. Septum itaque nervosum impulsui cedens, quem humor in posteriori vestibuli cavitate contentus motus a stapede communicat, eam humoris partem cedere cogit, quæ anteriorem ipsam vestibuli cavitatem implet. Hic namque humor nisi cedat, spatium nervoso septo non erit, in quo ad modulum recepti impetus contremiscat. Quamobrem sapienter naturâ in hac cavitate vestibuli anteriori duo foramina (xxvi) collocavit, per quæ posset impulsus humor, veluti per totidem diverticula pelli, & sufficiens spatium nervoso septo relinquere, in quo possit dimoveri, in hac etenim motione, omnis audiendi facultas collocatur. His autem foraminibus, totam prope anteriorem superioremque hujus cavitatis partem, occupantibus, duo canales semicirculares continuos NATURA fecit, anteriorem, & superiorem (xxvi), qui cum ipsa anteriori vestibuli cavitate humore

D

etiam

etiam sunt plenissimi (xxix). Nequit igitur cavitatis humor septo cedere, nisi continuo ipsi cedat is, qui canalibus conclusus est. Omnis itaque impulsio, quam septum humori cavitatis anterioris impertitur, in eum successive transit, quo canales replentur; & per extremitates horum canalium in posteriori vestibuli cavitate apertas (xxvi) tanta humoris portio excernetur, quanta in eo spatio cavitatis anterioris inveniebatur, quod septum cedendo percurrit. Septum vero, quia toto ambitu circumligatum est, in sui tantum medio cedit, mutando situm planum sibi proprium in concavum ex parte cavitatis posterioris, a qua venit impulsio, & convexum ex parte anterioris, quam versus promovetur. Quod igitur, cedendo intra hanc caveam, spatium percurrit, convexitati ibi natæ proportionale est.

XL. CONVEXITAS vero ista (xxxix) ingressui stapedis æqualis est, eoque major minorve est, prout magis minusve intra vestibulum stapes penetrat. Eo autem major est stapedis ingressus, quo undæ sonoræ vis, atque impulsus crescit; idest quo majorem validioremque vibrationem efficit corpus sonans. Prout vero majus minusve robur soni obtinent, sonantium corporum vibrationes plus vel minus sunt intensæ, Spatium ergo, quod stapes intra vestibulum percurrit, etsi cum intensitate sonorum proportionem habeat, circa $\frac{1}{4}$ tamen lineæ partem versatur, ultra quam ligamenta (xxxv, xxxvi) basim stapedis non sinunt penetrare. Quod si vehemens ita sit vis sonorum, ut stapedis basim ultra hos limites impellat, tunc ruptis ligamentis altius vestibulum penetrabit. His autem ruptis, & labyrinthi humor effunditur, &
tym-

AURIS HUMANÆ INTERNÆ. 51

tympani aëri aditus ad labyrinthum patet, & perit auditus. Hac ratione Canarienses, qui hostibus occurrunt sibilis acutissimis, audiendi facultatem sæpe destruunt. Durat autem septi convexitas, quandiu manet stapes intra vestibulum impulsus, idest quandiu unius undæ sonoræ in tympani membranam actio durat. Quæ sane duratio, etsi pro diversitate sonorum varia sit, minimo tamen tempore videtur absolvi. Convexitas ergo septi (xxxix) minimo tempore persistet; & quemadmodum eo tempore, quo undæ sonoræ actio desit, tympani membrana, & stapes situm pristinum resumunt, ita septum in planam superficiem (xxxix) restitui debet, & novæ impulsioni accipiendæ præparari.

XLI. Isthæc tamen restituito, quantum tympani membranæ, pro maxima qua gaudet tensione, facillima est, tantum septo nervoso, propria virtute, impossibilis evadit. Molle namque hoc est (xxvii), neque situm potest suum ullo modo servare, nisi æquabiliter sustineatur ab aqua utramque vestibuli caveam adimplente. Adeo ut in recenti labyrintho, si quidquam ab anteriori cavitate aquæ dempseris, etsi plena posterior sit, versus faciem tamen ostium cavitatis ejusdem septum declinat, neque pristinæ restituitur planitiei, nisi dempta humoris quantitas in anteriorem redeat cavitatem. Sed demonstratum est (xxxix), septo impulsione stapedis cedente, aliquid excerni humoris ab anteriori cavitate: non igitur, nisi is perditus humor in eandem redeat, pristinum in situm septum restitui potest.

XLII. Duplici debuit ergo NATURA necessitati prospicere; facili nempe nervosi septi inclinationi in

cavitatem anteriorem, & facili ejusdem restitutioni in pristinum situm (XL): in quæ duo omnis versatur septi actio, & audiendi facultas, Quamobrem magno, nec satis unquam admirando artificio, ita canales illos duos ab anteriori cavitate ortos collocavit, ita septum disposuit, ut mire in successivas istas actiones conspirent. Is namque situs septi est, ut planum inclinatum exteriora, versus efficiat, cujus finis atque tendentia est in orificio anteriori canalisi externi [IX]. Cumque idem canalis externus posteriora versus sit declivis (IX), septi canalisque unam continuatamque declivitatem esse, facile apparet. Omnis igitur humor anterioris caveæ, septo dum incumbit, per hoc planum inclinatum a septo, canalique factum, versus caveam posteriorem tendit: in quam cavitatem totus facile descenderet, nisi hæc ita impleretur humore [XXIX], ultra ut capere non possit. Quando vero stapes posterioris vestibuli cavitatis humorem contra septum impellit, humor anterioris cavitatis per hoc planum inclinatum descensum excernit in caveam posteriorem (LV), quantum ad septi convexitatem accipiendam necessarium est. Ita facilem NATURA procuravit nervosi septi inclinationem.

XLIII. FACILEM vero septi restitutionem superiori canale NATURA molita est, quem non declivem, ut externum, sed perpendicularem fere posuit. Ut quemadmodum a cavitate anteriori canalis oritur, qui declivitate sua humori a septo impulsio faciliem in posteriorem caveam descensum exhibet, alter etiam in ea canalis aperiretur, qui perpendicularis ad eam descendens, dando potius, quam accipiendo, excernendoque humori,

aptus

aptus esset. Canalis ergo superior, humore plenissimus (xxix), arcum refert, cujus duo extrema sunt veluti totidem tubi in vertice communicantes, quorum quisque in propriam vestibuli cavitatem insertus est: anterior nempe in anteriorem, non prorsus perpendicularis, sed parum extrorsum inclinatus, descendit: posterior in eadem recta linea cum communi canale, verticaliter in posteriorem caveam implantatur. Hinc columna humoris, anteriorem hujus canalis partem implens, basim habet in septo nervoso, cui tota impendet; ejusdem posterior columna, posterioris vestibuli cavitatis pavimento incumbit. Pondere igitur suo columna anterior septum continuo gravat, sive situm servet suum, sive impulsu attollatur. Huic vero ponderi nunquam septum cedit, donec posterioris cavitatis humore retrorsum sustinetur. Deficit hoc autem sustentaculum quoties stapes, qui vestibulum erat ingressus, in suam sedem (xl) regreditur: humor etenim posterioris cavitatis in spatium ruens a stapede relictum descendit, atque recedit a septo. Hinc columna anterior humoris canalis superioris, qua septum antea premebatur vi quidem mortua; ablata renitentia, vim vivam exerens, reprimit eoque septum, donec planum aquæ contingat caveæ posterioris. Hic autem situs nequit non ille esse, quem ante impulsione septum obtinuerat. Nam sicuti spatium, quod cecedendo percurrit, ei æquale est, quod stapes vestibulum penetrando mensurat (xl), ita spatium, quod se restituendo metitur, ei erit æquale, quod stapes restitutus relinquit. Quidquid perdidit ergo anterior cavea humoris (xlii), a columna liquidi per superiorem canalem descendente reparabi-

tur. Ita facilis facta est nervosi septi restitutio :

XLIV. Itus igitur reductusque septi, quoties audimus, tot sunt, quot sunt undæ sonoræ membranæ tympani, continuumque stapedem impellentes. Hæ vero vibrationibus sonori corporis respondent, quæ in omni sono, & plurimæ, & celerissimæ sunt. Frequentissimus ergo itus reductusque septi futurus est, & descensus anterioris columnæ humoris canalis superioris (XLIII) pariter frequentissimus. Dum vero hæc columna descendit, vacuitatem replet in anteriori cavea natam, per expulsionem humoris ex canali externo (XLII); tempore impulsione septi. Hæc igitur frequentissime de suo refarciet hanc humoris jacturam. Sed non tanti humor est, non modo anteriorem superioris canalis partem implens, sed & totum omnino canalem, ut frequentem adeo refusionem sine celerissima possit evacuatione sustinere. Hinc nova nata necessitas, propter quam NATURA, hunc canalem continuo servare plenum coacta, [XLIII], singulis vicibus, quibus hic aliquid anteriori cavæ refundit, perditum ei cogatur refarcire.

XLV. Huic necessitati egregie provisum est superiorem canalem posteriori extremitate (XLVI), intra vestibuli cavæam posteriorem inferendo; inque eo præsertim loco quod posteriori respondet stapedis extremo (VII). Quando etenim stapes intra vestibulum pulsus, aquam posterioris cavæ propellit, etiam maxime anteriora versus urgeat, quia tamen humores dum pelluntur versus omnem plagam moveri necesse est, ea aqua versus omnem posterioris cavæ ambitum movetur. Ubinam ergo sibi effugium quæret, nisi per ea foramina, quæ
in

in illa cavitate aperta sunt (xxvi)? Per orificium igitur canalis communis, per proprium posterioris, per posterius externi, per orificium scalæ tympani, quæ sola in illa patent, conabitur irruere. Hæc autem omnia pervadere facile nequit. Nam orificium canalis externi, cum ferat humorem ab anteriori cavea in posteriorem, illum certe repellit, qui a posteriori tentat anteriorem adire. Posterioris canalis proprium orificium difficile pervadet, nam omnem humorem esset acturus, longissimum hunc canalem, eundemque acclivem, adimplentem. Per orificium ergo canalis communis, & scalæ vestibuli facilius penetrabit: per hoc, quia in fundo vestibuli imo patet, & proprio in ipsum pondere tendit: per illud, quia & directo respondet fenestræ ovalis extremo, per quod stapes impellitur, & adveniendi humori locum facile exhibet.

XLVI. COMMUNIS namque canalis, ut supra dictum est, in eadem directione cum posteriori parte canalis superioris invenitur, cujus equidem vera continuatio est. Quando igitur motus humor [XLVI] ejus urget orificium, agere ac propellere conatur integram humoris columnam, communem superioremque canalem posterius adimplentem. Hæc propulsa reliquum humorem, anteriorem superioris canalis partem implentem, successive urget: qui humor, cum supra septum incumbat [XLVII], acceptum impulsus septo communicabit, septumque repellet. Qui igitur ad orificium canalis communis vim intulerat humor, pro ratione, qua septum descendit, eum canalem ingreditur. Superior ergo canalis, dum dat anteriori cavæ (XLV), a posteriori accipit. Mirum profecto, uno stapedis

impulsu agi septum, & reâgi, ita ut utraque actio justo sibi succedat intervallo, eoque tempore fiat repulsio, quando impulsio jam desit. Nec ratio in obscuro est. Nam pars humoris, quæ a stapede mota septum impellit, spatium brevissimum percurrit, quale est a stapede ad septum; pars quæ septum repellit, per longius spatium tandem operatur, quale est a stapede per canalem communem, & superiorem, ad cavitatem anticam. Hinc tempora, quibus utraque actio terminatur, quæ, cæteris paribus, spatiis proportionalia sunt, sibi succedunt.

XLVII. QUANDO igitur posterioris cavitatis humor cedentem viam invenit per canalem communem, quis regulam ei statuet, ne plus eo versus impellat, quam par sit, neve ultra limites, septi descensum (XLVI) promoveat? Huic damno provisum est, aperto intra superiorem canalem, qui, ut diximus (XLVI), unus continuusque cum canale communi habendus est, canali posteriori. Si quis igitur humor, ultra debitum, communem canalem tentat irruere, vel minima experta septi resistentia, per orificium canalis posterioris penetrat; huiusque canalis, declivi posito opportune donati, humorem facile propellens, sibi locum invenit. Ut ergo canalus externus diverticulum est cavitatis anterioris (XLII), ita posterior diverticulum est canalus superioris. Utrumque diverticulum desinere debuit in vestibuli cavea posteriori, quæ cum sit dispensatrix humoris, anteriorem caveam (XLII), canalem superiorem (XLVI), & scalam vestibuli subeuntis (XLV), nisi ab his humorem suum reciperet, brevi exinanita, omnem auditus mechanismum perverteret. Illa demum humo-

moris pars, quæ per vestibuli scalæ orificium intrat aquam in ea scala contentam, ad apicem usque cochleæ impellit, a quo per foramen triangulare intra infundibuli tubum [xii] apertum, in tympani scala derivatur. Est igitur scala tympani diverticulum ejus humoris, quem, repetitis stapedis ictibus, scala vestibuli susceperat.

XLVIII. HÆC omnia (xxxix ad xlvii) demonstrant, humorem labyrinthi omni tempore quo audimus circuitum absolvere, ab anteriori vestibuli cavea, per canalem maxime externum, ad caveam posteriorem, ab hac per canalem communem ad superiorem canalem, & ad eandem de novo caveam anteriorem. Hic *major circuitus* est: *minor* est vero, a cavea posteriori per canalem communem, & posteriorem ad eandem caveam. Qui per scalam vestibuli cochleam intrat, inque tympani scalam derivatur, quia posteriorem caveam non repetit, a qua profectus est, circuitum absolvere dici nequit. Hos circuitus unusquisque excitat stapedis impulsus, & in unoquoque impulsu, eodem fere tempore, nervi, qui intra labyrinthum disponuntur, moventur, & sentiunt universi. Nam septum (xxvi) concutit aqua caveæ posterioris a stapede mota (xxxix): filum nervosum canalis externi [xxvi] aqua movet caveæ anterioris majorem circuitum incipiens (xlii): fila maculæ orificii proprii canalis posterioris [xxviii] ea urget humoris pars, quæ a communi canale (xlv) descendit (xlvii): fila commovet alia cavitatis hemisphæricæ [xxviii] ipsa aqua caveæ posterioris (xlv); quæ sane aqua in cavitate illa, tamquam in lacuna permanet, ad coercendas, fulciendasque nervorum fibras inibi fluitantes. Ipsa
de

denique zona cochleæ (xvi, xxv) ab aqua scalam vestibuli percurrente (xlvii) agitur, quæ dum ad apicem cochleæ properat, super zona movetur. Hinc eodem tempore, quo aqua cavæ posterioris concutit septum, concutit & fila nervosa cavitatis hemisphæricæ, & fila maculæ orificii proprii canalis posterioris, & zonam cochleæ, neque longius abest agitatio fili canalis externi.

XLIX. Hoc humoris vestibuli motu fit, ut nervi acustici expansiones vim soni percipiant. Est etenim soni perceptio in eo ferme reposita, ut tot vicibus acustici nervi concutiantur, quot undæ æreæ a sonoro corpore missæ sunt. Ubi igitur hæ undæ tympani membranam percutiunt, & hæc, per ossium catenam intermediam, stapedem urget, qui tandem, ut demonstravimus, aquam vestibuli movet, dubium est profecto nullum, hunc esse humorem, qui acceptas a stapede impressiones nervis communicet. Nervi igitur toties ab undis humoris percussi, quoties humor a stapede movetur, idest quoties sonorum corpus tremit, eas omnes impressiones animæ communicant, a qua sonus percipitur. Oportuit vero, ut stapes ictus suos non immediate nerveæ pulpæ, sed per intermedium humorem communicaret, ob rationem, quam a libi exposuimus [xxxii]. Neque videtur esse querendum, cur NATURA pro septo nervoso, quod in vestibulo fecit, simplices fluitantes productiones nerveas non effecerit, aut expansam quidem nervosam membranam, sed vestibulum non prorsus dividentem. Nam simplices productiones libere intra vestibulum fluitantes, si essent longæ, conciderent innata mollitie, neque ad necessarias oscillationes sustinerentur erectæ; si breves, ab unda

da humoris vestibuli parum agitantur, & vel minimæ ejusdem impressioni cederent. Nec brevitati durities addi potuit, mollissimi enim hi futuri sunt nervi, qui vel minimorum sonorum vim debent percipere. Nervosa vero expansio vestibulum non dividens, eique similis, quam pinxit CASSERONIUS (f), etsi productionibus simplicibus stabilior foret, tamen continuitatem permetteret inter humorem vestibulum implentem: neque hic regularibus motionibus, ictibus stapedis respondentibus, moveretur. Nam impulsus primum a stapede vestibuli humor, ad anteriorem ejus partem properans, ubi nervosam expansionem offenderet, eam ageret; per ambitum vero, qui a parietibus vestibuli huc illuc sejunctus esset, in anteriorem vestibuli parietem impingeret, quo in loco, etsi canales offenderet, quia tamen pressus æquabiliter non est, ut sit a septo, versus stapedem resiliiret, inque septum, ejusque margines denuo ageret, novasque impressiones ei daret, quam quæ a stapede proficiscuntur. Hoc sufficere putarem ad necessitatem septi ostendendam, etsi nobis vix cortice tenuis NATURÆ fines intuentibus, magis sufficere videatur, septum jam NATURAM intra vestibulum collocasse.

L. SEPTUM hoc nervosum, quod debuit NATURA intra vestibulum collocare (XLIX), non solo homini, sed quantum video, plerisque animantibus, qui canales habent semicirculares, datum est. Nulli tamen adeo amplum ut homini: ne bovi quidem, & equo. Debet namque homo sonorum etiam minimorum vim haurire, quorum vel ipsa,

(f) *Lib. cit. Tab. 5. fig. 1. 2. 3.*

ipsa, ei necessaria, fermocinatio feracissima est. Hinc quemadmodum bruta, maximam odoratus vim, propter magnam expansionem nervorum habent olfactoriorum, ita homini, audiendi facultate reliquis fortasse animantibus præstanti, nervosum hoc vestibuli septum, maximum datum est. Hanc ob causam vestibulum quoque majus homini concessum, ut fere duplum eo sit, quo boves gaudent, ac equi. Canales imo semicirculares breviores latioresque, & æquali lumine præditi per omnem fere decursum homini tributi sunt, ut humoris circulationes [XLVII], quæ nervorum motum procurant, facillime brevique tempore absolverentur. Secus accidit equis, ac bobus, canalium semicircularium longitudinem summam habentibus, maximæ conjunctæ angustię, vixque mediocris setæ capaci. Talium viarum amplitudo homini concessa minuit frictiones inter humorem, & canalium, per quos movetur, superficiem, quarum causa, norunt mechanici, maximas motus fieri retardationes.

LI. VERUM animadvertere licet, talem esse omnium prope labyrinthi partium situm, & ordinem, ut non alia, quam unius septi nervosi causa, eam quam habent fabricam videantur obtinuisse. Exegit namque septum, ut cavitas vestibuli divideretur (xxvi): propter hanc divisionem humoris vestibuli, audiendi tempore, ab una in aliam caveam necessaria fuit derivatio (xxxix): hæc ut facilis esset (xl) canalis externus [ix] declivem debuit habere situm (xlii): ut septum promptum esset singulis suscipiendis itapedis impressionibus, restitui debuit (xl, xli): hinc canalis superior (v) oportuit fieri pæne perpendicularis (xliii):

AURIS HUMANÆ INTERNÆ. 61

(XLIII): ergo ab anteriori cavea duo canales tantum oriri oportuit, unus qui superfluum dīverteret, alter qui restitueret perditum, non unus inde nasci potuit, non tres: & una cavea supra septum, alia debuit infra esse (xxvi): & posterior cavea, a qua maxima dispergitur humoris pars, ad canalē superiorem (xlvi); posteriorem (xlvii), cochleam (xlvii), major anteriori esse debuit: & stapes hunc humorem propulsurus, in posteriori cavea ingredi (xxxix); & canales omnes necessitate structuræ semicirculares, ut diximus (iv), esse debuerunt: quia oriuntur a vestibulo, & in vestibulum redeunt; & canalīs exterior posteriori orificio prope vestibuli cælum debuit aperiri, ut emittendo intra posteriorem caveam, quam ab eadem accipiendo esset aprior: atque hinc talis esse debuit vestibuli situs, ut longiori axe retrorsum declinet. Superior vero canalīs nequivit omnino perpendicularis, anteriori parte, septo esse, ne basim columnæ humoris continenti, in ipso fere orificio canalīs externi obtineret; ejusque retrorsum cum compare convergentiam [v], necessaria insertio in fundo vestibuli exegit (xlv). Tandem scala vestibuli ab imo cavitatis posterioris loco debuit exoriri, ut facillime humorem hauriret a stapede motum. Sed hæc de labyrinthi officio satis dicta sint: reliqua ad cochleam præcipue spectantia, alibi commodius tradituri.

LII. Quis est igitur canalium semicircularium usus? Apparet ex dictis (xxxix ad l) ductus esse communicationis inter utramque præsertim vestibuli cavitatem, per quos humor eas replens, ad dandam nervis libertatem motus, pro necessitate deri-

derivatur. Ita maxima in his NATURÆ simplicitas elucescit, quæ tot tantaque commenta circa horum canalium usum a philosophis prolata omnino dissipat. An ergo in ipsis, ut placuit Ill. SENACO (g), auditus sedes? Repugnant præter alia, æris a labyrintho absentia (xxix); lumen canalium in decursu æquabile (l); nervorum in centro inflexionis canalium superioris, & posterioris defectus [xxiv ad xxviii], in quo centro auditum collocat; diversus singulorum canalium situs, quem nunquam NATURA mutat, ut longitudinem, & amplitudinem: quod documento est situ præcipue, suo canales istos officio fungi. Quam parum ergo mentis horum canalium tribuendum est, quibus tot labores dedicarunt Anatomici! Hinc quærenti respondemus CASSEBOHMIO (h) canales quare in posteriori (potius superiori (x)) labyrinthi loco sitii? Quia septi nervosi necessitas (xlix), ejusque motus ratio (xxxix) ita sitos canales requirebant (xlii). Quare canalium superior, & inferior (nempe posterior) situm (idest tantillum directionis) mutant, non vero externus? Patet ex dictis (xlii). Cur superior cum inferiore (sc. posteriore), neuter vero horum cum externo se jungat, ita ut in vestibulo tria canalium orificia tantum numerarentur? Demonstratum est (xxxix ad xlvii). Sic etiam postulanti satisfacimus BOERHAAVIO (i), cur quinque potius ostia tribus canalibus natura fecerit, cur numerum ad tres reduxerit? Quæ omnia ex ha-

etc.

(g) L' Anatomie d' Heister avec des Essais de Physique &c. Tom. 3. p. 236., 37. Paris 1753.

(h) De Aure Humana Trac. V. §. 178. p. m. 6.

(i) In prælectionibus Academicis in proprias institutiones § DLXI. Tom. 3. Ed. Taurin. p. m. 220.

ætenuſ recenſitis manifeſtiſſimè demonſtrata ſunt, etſi *neminem mortalium hæc explicaturum* BOERHAAVIUS idem judicaverit.

LIII. MONITOS autem volo, quotquot ad hæc omnia cum ipſa natura conferenda veritatis amor inceſſerit, ut non aliter ad canalium, reliquarumque partium labyrinthi poſitum inveſtigandum accedant, quam proprio omnia in ſitu contemplan- do. Nam quod canalium ſemicircularium ulum, quem, niſi plura nos fallunt, facili ratiocinio ab ipſa natura deduximus, ad hunc diem ignorave- rint Anatomici, ex eo quidem factum eſt, quod labyrinthum a calvariæ baſi ſeparatum ſibi ante oculos propoſuerint. Nos vero cum in aliis, tum in hiſ præcipue partibus, abſque ulla erroris ſuſ- picione, contemplan- diſ, reſ ipſas proprio in ſitu inſpectare conſuevimus. Ad quem proſecto finem diu eſt, quod in integra calvariæ baſi labyrinthi partes omnes deteximus, & ſumus meditati. Si- ne cujus præparationis præſentia, minime dubita- mus, quin ludicra potius, fictitiæque judicanda ſint omnia, quæ de canalium officio recenſuimus. Nec eſt cur quiſquam putet, labyrinthum ab of- ſe extractum, qualem frequenter ſervant demon- ſtrantque Anatomici, facile poſſe in naturali di- rectione collocari. Nam hoc difficillimum eſſe ii facile experientur, qui ſelectum quemlibet laby- rinthi ſitum, cum eo comparaverint, quem idem in integra calvariæ baſi detectus ſolet exhibere. Lubenter vero fatemur hujus præparationis laudem omnem Viro Illuſtri, & incomparabili in primis Anatomico, JOANNI BAPTISTÆ MORGAGNO eſſe referendam, qui primus, quod ſciam, omnium, in adultorum calvariis eam meditatus eſt, & aſ- ſe-

secutus (k). In calvaria namque fetus idem sane, nisi fallor, fuisse molitum Clarissimum DU VERNEYUM, ex icone Actis Parisinis inserta memini didicisse; etli dolenter locus memoria excidit. Nos ideo etli solum labyrinthum ab osse extratum proprio in situ depingendum nunc curavimus (l), brevi tamen conabimur, utilissimam, longeque præstantem cranii basis, tum fetus, cum adulti iconem dare, in qua canales semicirculares cum cochlea sunt detecti, quo ad hæc sacra penetrare conantibus faciliior accessus proponatur.

LIV. Duo tamen in his, quæ hæcenus proposuimus de labyrinthi partium officio, & audiendi ratione, videntur enodanda. Primum, qui fieri possit, ut cum integra labyrinthi cavitas humore plenissima sit (xxix), & penetrare in vestibulum stapes (xxxv), & humor in anteriori vestibuli cavitate contentus, per canalem semicircularem externum in posteriorem cavitatem possit derivari (xxxix, xlii)? Nam si plena humore sunt omnia, stapedis ingressus aut impiedietur, aut compresso humore fiet, quorum primum falsum est (xxxix), alterum impossibile, vi enim maximæ, qua ad comprimendam vestibuli aquam opus esset, stapes omnino idoneus non est. Si pars humoris in anteriori vestibuli cavitate contenti, ut septum moveatur, per canalem semicircularem externum, in cavem posteriorem deferenda est (xlii), cum hæc jam plena tota sit, nec spatium novo humori concedat, in eam certe excerni non poterit. Hæc omnia cogunt duo esse

con-

(k) *Epist. Anat. XII. §. 4.*

(l) *Tab. 1. fig. 2.*

concludenda, (¹) aut non integrum labyrinthum, humore repleti, & vacui quidquam inesse, per quod humor dimoveri possit, quod verum omnino non est [xxix] : (²) aut si plenus est, quemadmodum certe est, aliquod diverticulum humorem illum invenire, per quod, ubi a stapede impellitur: extra labyrinthi caveam, aliqua parte derivetur, & spatium exhibeat, in quo residuus humor libere, ut nos demonstravimus, per labyrinthum moveatur. Alterum, quod difficilius resolveri posse videtur, hoc est. Si quoties stapes vestibuli humorem pellit, hic per vestibuli scalam, ad apicem usque cochleæ defertur (xlviij), & ab eo, per foramen triangulare tubi infundibili, in tympani scalam decedit, ut novis undis ejusdem humoris spatium concedat; si tympani scala jam humore plena est (xxix), quomodo novum advenientem accipiet? Si vero non accipit, resistet successive humor ad apicem cochleæ, hinc ad orificium usque scalæ vestibuli, atque ita omnis ejus per cochleam motus brevi impiedetur, officiumque cochleæ peribit (xlviij , xlviii). Quæ duo cogunt esse fatendum, aut scalam tympani vacuum spatium satis obtinere, quo sæpe advenientem, per vestibuli scalam, novum humorem recipiat, quod omnino impossibile, ac falsum est; aut si plena tota est, ut quidem est, humoris quo antea replebatur, per aliquod diverticulum, partem aliquam extra se dimissuram, ut novo advenienti humori locum concedat.

LV. Cum igitur totam labyrinthi caveam humore omnino repleti, supra (xxix) sit a nobis demonstratum, reliquum omnino est, ut ad nervorum labyrinthi opportunam agitationem, viæ a

E

la.

labyrintho sint, per quas contentus humor partim derivatus, spatium residuo faciat, in quod, nervorum tremoribus obsequens, transferatur. Cui quidem necessitati adeo NATURA prospexit, ut non unam, sed duas hercle vias, a labyrinthi cavea deduxerit, quæ huic superfluo humori revehendo aptissimæ sunt. Nam sicut, ad commovendos vestibuli nervos, necessaria ex hujus cavo humoris erat derivatio (LIV), ita viam a vestibulo fecit ad sinum lateralem proximum duræ matris terminatam, per quam miro artificio superfluous humor exoneratur. Hanc nos, ab aqua ex vestibulo revehenda, *vestibuli aquæductum* nominavimus (I). Pariterque summæ prospiciens derivationis necessitati a tympani scala (LIV), viam aliam ab ea fecit exordiri, quæ in calvariæ cavo patentissima apertione terminatur. Hanc a derivando extra cochleam humore, quo hæc repletur, *cochleæ aquæductum* appellavimus (I). Quorum sane aquæductuum utilitati necessitatique demonstrandæ, oportebat dicta (II ad LIV) præmisisse. Reliquum modo igitur est, ut de ipsis singillatim edisseramus.

LVI. A vestibuli incipiam aquæductu, cujus compositior fabrica, & longe spectabilior forma est. Hujus origo ab eo est posterioris vestibuli cavitatis (XXVI) foramine, quod primus, nisi fallor, inter cavitatem vestibuli orbicularem, & canalis communis orificium, descripsit & pinxit CASSEBOHMIUS (m). Nemo tamen aut diligentius, aut verius, ejus figuram & affectiones prosecutus

(m) Lib. cit. Tract. V. §. 216. p. m. 19. Tab. 4. fig. 3. lit. b. fig. 12. lit. l.

tus est quam Ill. MORGAGNUS, qui, indito cavitatis *fulciformis* nomine hoc foramen designavit. Sic enim de eo, hic Anatomicorum princeps, post recensitas reliquas vestibuli foveas, memoriæ tradidit; (n) libens hic omitterem tertiam quamdam vestibuli cavitatem, nisi ad foraminis descriptionem attineret, eo minus prætermittendi, quod nunquam deesse animadverti; eaque esse solet magnitudine, ut cuilibet, vel non quæsitum, per se in oculos incurrat; quamobrem non videbatur promiscue inter foraminula, aut non perpetua, aut longe minora proponendum. A me olim in theatro simul cum cæteris, de quibus supra dixi, demonstratum est, trianguli forma occurrit prope eam oram hujus orificiî canalis communis, quæ parietem vestibuli interiorem attingit. Ejus trianguli vertex ad eundem canalem pertinet, ut interdum per hujus intimam faciem promineat osseus fornix brevis tubuli in id foramen desinentis. Crura autem trianguli singula in singulas osseas prominulas lineas producta secundum interius extremum cavitatis semiovalis, & posteriorem hemisphæricæ marginem, per interiorem vestibuli partem descendentes oblongum semicanalem, seu majus sulcum, intercipiunt, qui haud raro infra proprium majoris canalis orificium se inflectens in orificio cochleæ posterius desinit. Hunc in quibus magis conspicuus fuerit (nec enim in omnibus æque est) cavitatem poteris *fulciformem* appellare.

LVII. HANC foraminis descriptionem adeo naturæ, innumeris plane vidi observationibus consonam, ut præter pauca omnino, nil ad eam ultra addi posse videatur. Etenim sæpissime in ejus

E 2 _____ figu-

figuram inquirens, non sine constanti naturæ instituto, (ut mihi ad hunc diem visum est) verticem foraminis hujus ita vidi recurvum, ut cum lateribus, quibus continuabatur, veram hyperbolicam figuram comprehenderet (o). Quæ sane figura non ad ipsum foramen omnino pertinet, sed ad alveum illum, sive sulcum, quem hyperbolicæ latera, exstantia satis, intercipiunt, in ipsum hoc foramen desinentem. Nam sub vertice tandem hyperbolicæ foramen conspicuum est, lumine ovali, & ad rimulæ, satis tamen perviæ, formam accedente: cujus non eadem est, pro subjectorum & ætatis varietatibus, amplitudo. Sæpe enim in fetu, minorisque ætatis hominibus, mihi patentius visum est. Et naturali vestibuli positu servato, is situs est, tum foraminis, cum sulci, in quem continuatur, ut ad anteriorem partem orificii canalis communis foramen & sulci origo pertineant, cujus reliquum per vestibuli pavementum decurrit. Sulci hujus latera hanc sæpe sequuntur directionem: posterius, quod exstantius est, & veluti semicanalem recondit proximum continuumque foramini, in acutum aggerem (xxviii) proprii orificii posterioris canalis finem ponit: antè, sive potius superius, in spinam, inter semiovalè, & hemisphæricam cavitatem intercedentem, evanescit. Sulcus tamen his lateribus comprehensus, directionem posterioris lateris maxime sequutus, vestibuli scalæ videtur continuari.

LVIII. Quis tamen sit hujus foraminis usus, se ignorare fatetur Illustris MORGAGNUS (p). Cum enim

(o) *Tab. 1. fig. 3. 1.*

(p) *Epist. Anat. Xxi. §. 61. p. m. 378.*

enim lima arrepta, cum nonnunquam tubulum persequutus, qui ei continuus est foramini; parum profecisset, videretque; non longo emensō tractu, prorsus finiri; eaque directione esse; ut ad canalem nervorum communem non attinere videretur; ceterum, concludit; quicumque illius sit usus; mihi necdum sit verisimile; ex patulo, eodemque; ut sæpe; non parvo orificio progressum; tam cito desinere; & cæcum esse. Quod postremo sane monitu egregie Vir insignis vaticinari videtur. Neque enim cæcum hoc foramen; neque brevi tubulo; eidemque cæco continuum est; sed ejus canalis principium constituit, quem nos vestibuli aquæductum appellavimus. Placet ergo minus proprio *cavitatis sulciformis* nomine seposito; nomen *orificii aquæductus vestibuli* huic foramini tribuere.

LIX. CANALIS ab hoc procedit orificio, qui introrsum sursumque tendit per medium os petrosū; superascendens canalem communem (VII) (q). Lineæ spatium hoc decursu percurrit; atque mutata inde directione; extrorsum deorsumque curvatur (r); inque illa terminatur *rima*; quam in posteriori interno latere, prope foveam sigmoideam; os petrosū habet (r); quæque eidem foveæ sæpe parallela est. Lumen hujus canalis non ubique æquale est: ab orificio enim ad locum inflexionis continuo decrescit: hoc autem in loco maxime angustum est; & sæpe tenuissimam setam, ejus generis; quod inferius (LXIII) describam; vix apice sinit ingredi: a summa vero angustia; quam heic loci habet; sensim ad finem usque ita

E 3

la-

(q) Tab. 1. fig. 2. g. (r) Ibid. g. b.

(s) Tab. 1. fig. 1. m m. fig. 2. i.

latefcit, ut fi, derafo fufficienter circum offe, fpectetur, cornu hinc illincque compreffum repræfentet [t]. Hujus ergo canalis lumen in orificio $\frac{1}{4}$ lineæ partem æquat, in inflexionis loco $\frac{1}{10}$, in rima foveæ figmoideæ proxima, in quam definit, tres, & quatuor sæpe lineas altitudinis obtinet. Variat autem hujus rimæ tum forma, cum latitudo sæpiſſime: aliis anguſta nimis, aliis latior eſt, frequentior vero meſura latitudinis $\frac{1}{4}$ lineæ partem ſolet æquare. Ejusdem rimæ paries unus anterior eſt, continuus externæ medietati lateris poſterioris offis petroſi, in quo rima aperta eſt; alter vero poſterior elatiorque internæ medietati ejusdem lateris eſt continuus, & frequentiffime tumet, Varia totius canalis longitudo eſſe conſuevit; sæpiſſime namque vidi quatuor lineas vix exceſſiſſe, & aliquando vix attigiffiſſe binas. Poſtremum hoc in junioribus frequenter obſervavi, quibus canalis hujus paries liber, nondum completus, tubi formam longitudinemque minuerat. Hoc dum fit, neque rima figmoideæ foveæ admodum proxima eſt, neque ſe multum aperit, exhibetque. Superficiem internam totius canalis, membranulis omnibus expolitam, læviſſimam ego ſemper obſervavi; prope rimam vero, in quam definit, aliquando rugoſam. Sed varietates omnes quis recenſebit?

LX. Durae matris, cum reliqua calvariae baſi, interna latera offis petroſi veſtientis, lamina exterior, quæ immediato contactu offibus applicatur, per rimam, in qua canalis offeus aquæductus veſtibilii finem habet, intra aquæductum refle-

[t] Tab. 1. fig. 2. g b i.

reflectitur, eumque totum investit, ad orificium usque suum intra vestibulum patens. In hoc, per canalem, progressu, hujus aptissime superficiei adhærescit, quæ proinde levissima, quoties observatur adhuc dura matre induta, comperitur. Ab orificio aquæductus [LVIII] reflectitur ad totam labyrinthi superficiem, cui pro periostio est [XVI]. Dum vero a libero orificii margine est reflectenda, plicam brevem efficit, eidem margini continuam, tenuis *tentorii* forma, quam in diligenter, & absque ullo aëris accessu, arefactis labyrinthis, frequentissime observavi. Patet ex hoc, originem ejus periostii, quod labyrinthum investit (XVI), a duræ matris lamina exteriori certius deducendam, quam ab illis hujus membranæ productionibus, quas secum nervi a communi canale intra vestibulum inferre, voluit in primis CASSEBOHMUS. (u)

LXI. INTERIOR vero lamina duræ matris libera ante rimam [LIX] excurrit, neque exteriori laminæ, ut ceteroqui solet, aut in rimæ regione, aut in eo loco, qui proxime rimæ supponitur, est alligata: sed liberam cum exteriori lamina *cavitatem* intercipit, qua rima vestibuli aquæductus est excepta. Cavitas hæc, cujus, pro maxima naturæ inconstantia, neque forma, etfi ad ovalem frequenter accedat, neque amplitudo potest definiri; quoties, dissectis parietibus, perlustratur, superficiem lævissimam ostendit: ita ut nihil, aut superficiei canalis ossei aquæductus supra (LIX) memoratæ, aut ipsi faciei duræ matris cerebrum spectanti, concedere videatur. Accidit ta-

(u) *Lib. cit.* §. 220.

men aliquando, ut, vel tenerrimis cellulosis filis cavitās ista trajecta sit, vel incredibilem amplitudinem nanciscatur. Talis mihi nuper, eam auditoribus demonstranti, visa est: trianguli namque formam referebat, cujus erat in rima (LIX) vertex; basis verò in proximo margine foveæ sigmoidæ; tantæ longitudinis, ut octo lineas æquaret.

LXII. Quæ omnia [LIX, LXI], quisquis cum ipsa natura conferre cupierit, meo quidem iudicio; hac in observando regula utatur oportet. Circumcidat primo calvariam, ejusque cælum evellat. Ne verò propter tenacem duræ matris colligationem ad eas suturas, quæ cælum hoc percurrunt, insimul attollatur hæc membrana, divellaturque a basi calvariæ: qua divulsione, pro iis, quæ diximus, observandis, nihil nocentius haberi posse videtur: circumcisa jam calvaria non statim evellenda est, sed per sectionis locum culter profunde, ad cerebrum usque, adigendus est, eoque discindenda toto in ambitu dura mater, & cum ipso dissecto calvariæ cælo auferenda. Relictum inde cerebrum extrahendum, separatique tentoriis a superiori angulo ossis petrosi, una auferendum cerebellum. Ita enim cranii basis dura matre induta integra remanet, in qua, per latus posterius ossis petrosi, indicem versando, rimam oportet invenire (LIX), quæ osseam terminat aquæductus partem. Facile autem rima invenitur, cujus paries posterior valde sub dura matre sæpe elevatur, & cujus ab extremis frequenter tendineas dura mater fibras deducit, quæ columnarum forma rimam sustinent. Hinc sub ea primum incidendum, directione eidem parallela, deinde a
me-

medio prioris incisuræ deorsum dissecandum (x); ita vero ut utraque dissectio ad ossis superficiem usque non penetret; sed in ipso permaneat membranæ mediotullio. Nam lateribus incisuræ elevatis (y), cavitas fit manifesta lymphatico humore madescens: cujus quidem vestigia absque ulla possent incisione cognosci; modo indicis apex sub rima (LIX) paullulum exerceretur. Hoc enim artificio dimoveri inter se laminas duræ matris, ob cavitatem interceptam, sentimus: Quod si eousque licuerit calvariæ basim duræ matre indutam servare, ut membrana hæc incipiat exsiccari, pulchre profecto apparebit, arefcentiam huic loco, cui cavitas supposita est, sero nimis accedere. Color etenim membranæ albidus; quo, cum humida est, perfruitur, quique a reliquis locis jam arefactis decessit, diutissime in hoc membranæ loco perdurat. Quod indicio est, humidum in hac, præ reliquis duræ membranæ partibus, maxime suppetere. Sic cum ossa petrosa, integro duræ matris indumento diligenter servato, a cranio divulsa, sæpe exsiccanda curaverim, vidi lætus post exsiccationem, patentissime internam laminam duræ matris ab externa ita sub rima (LIX) separatam, ut supposita cavitas, propter illius laminæ pelluciditatem, conspiceretur. Ceterum nisi ista tententur, hujus membranei cavi in detecta cranii basi, ne levissimum quidem vestigium licebit intueri.

LXIII. CAVITATE (LXI) detecta, per rimam in ea patentem, setam quoties voluimus, in osseum intrusimus aquæductus canalem (LIX) ei continuum, quæ jucundo sæpe spectaculo confestim

(x) Tab. 2. II.

(y) Ibid. III

stim intra vestibulum penetravit. Nec minori quidem facilitate pertransiit, quoties a vestibulo per aquæductus orificium seta impulsæ est: visa enim in hanc sæpe cavitatem pervenisse. Ad hoc experimentum rite instituendum duo omnino necessaria sunt. Primum, ut seta per rimam intrudatur, quæ adhuc integre dura matre induta sit; quoties enim hæc a basi cranii divulsa est, dum seta per rimam versus vestibulum intruditur, filamenta a lacerata dura matre intra canalem relicta, viam per quam seta penetrare debet, quodammodo obstruunt. Ubi vero per aquæductus orificium seta penetrat, sæpe ista vitari consueverunt: quamquam non raro accadat, sive ob angustiam canalis, sive ob eorundem filorum resistantiam, ut ne per hanc quidem viam liber setæ transitus relinquatur. Alterum in setæ delectu positum est, sine quo videtur impossibile rem apte exsequi posse. Suillæ quidem propter figuram quam habent quasi cylindricam, sive tenues sunt, & vim prementem facili flexione eludunt, sive crassæ, & per aquæductus angustias, quas in medio sui decursus offendunt (LIX), nequeunt pertransire. Aptissimæ longo usu mihi habentur, quæ ex rostris quadripedum, & maxime vulpium sunt evulsæ. Conicæ etenim istæ sunt, & acutissimum habent extremum, cui penetrare facile est, basim crassam, quæ prementis vim efficacissime sustinet, & longitudinem operanti percommodam.

LXIV. CONSTAT ex dictis [LIX, ad LXII] aquæductus vestibuli duas esse partes, unam ab orificio (LVIII) ad rimam (LIX), quæ *ossea pars* dici potest, alteram a rima ortam, & intra duram matrem excavatam (LXI), quam *cavitatem aque-*

aquæductus membraneam licet appellare. Non est autem præstantior methodus, qua harum partium aquæductus continuitas possit observari, injectione mercurii in primis instituta. Fistula ANELLIANA, qua ad lacrymales ductus referandos tergendosque utimur, quia tubuli extrema tenuitate gaudet, huic operi aptissima est. Aptato namque apice tubuli aquæductus orificio; maxime si paullulum recurvus ille sit, ut commode per aliquem tractum aquæductum penetret; injectoque inde mercurio, videtur illico cavitas hujus aquæductus membranea eodem turgere. Quod si apta deficiente fistula, harum aquæductus partium communionem placuerit investigare, sequenti ratione tentamen est instituendum. Dissecetur interior duræ matris lamina, ad duarum linearum a rima (LIX) distantiam; tum, qui paries dissectionis est ex parte rimæ, acicula elevetur, & in facto spatio aliquot mercurii globuli intrudantur. Caute deinde jam elevatus membraneus paries deprimatur, ita ut, margine præsertim dissecto, parietem oppositum retractet, absque immissi mercurii exclusione. Incluso sic mercurio manus index caute apprimatur, qui versus rimam ipsum impellat: ita namque perfugiet intra vestibulum. Quod sane spectaculum manifestius apparet, quando hæc omnia in osse petroso dura matre induto, sed a cranio divulso, instituuntur; potest tum enim, educto a fenestra ovali stapede, persiccatoque vestibuli humore, mercurii introitus observari. Facilior vero separandi ossis hujus methodus hæc mihi visa est. Incisa dura matre per omnem ambitum ossis petrosi, ferra fiat una sectio in ea parte squamosi ossis, quæ illius respondet angulo anteriori, altera in ea parte,

te, quæ imminet foveæ sigmoideæ: utraque ea profunditate sit; quæ ad basis calvariæ planum peringat: Scalpello dein per has sectiones urgeatur os, & si a carneis vinculis solutum fuerit, maxime inferius, facile separabitur.

LXV. INJECTIONIS autem beneficio novi quidam canales in conspectum veniunt, quorum ante injectionem ne vestigium quidem licebat intueri. Repleta enim cavitas (LXI) mercurio, ubi leviter a superiori parte deorsum premitur, jucundo spectaculo observatur, mercurium in ea contentum quosdam canaliculos (a) penetrare; qui ab omni fere cavitatis ambitu emergentes, inter duræ matris laminas delati, miris sæpe, & non infrequentibus anastomosibus communicant. Horum aliqui, post brevem trium, quatuorve linearum ab ortu distantiam, patentibus sanguiferis venulis duræ matris excepti, in eas receptum a cavitate aquæductus mercurium transferunt; aliqui, sæpe conjuncti, veluti sinum (b) componunt, in quem duræ matris venulæ corrivant aliæ; alii tandem ipsum membraneum parietem proximi sinus lateralis recto tramite adeunt. Placuit mihi sæpe, & cum aliis Cl. Viris, quos huic observationi præfentes frequenter habui, tum clarissimo in primis Regiæ Neapolitanæ Academiæ Botanices doctissimo Professore, quem honoris causa nomino, DOMINICO CYRILLO, jucundum hoc sane spectaculum, quod scilicet impulso a cavitate aquæductus mercurio in vascula inde exorta, ipsisque vasculis pressis, cum mercurius oculis ab nostris disperiret, dissecto laterali sinu, in eo omnem ejus quan-

(a) Tab. 1. xx.

[b] Ibid. xx.

quantitatem collectam observavimus. Imo sæpe sinum præscindendo, indeque premendo vascula, ab eorum extremis osculis in sinu patentibus, mercurium depluere conspeximus. Dum vero isthæc tentantur levis cavæ, vasculisque pressio applicanda est; nam si valida ea est, mercurius nimia vi percitus, aut cavitatis, aut canaliculorum latera urget, inque cellulositate vagatur inter laminas duræ matris interposita. Hæc autem vasorum repletio, mercurio ab aquæductus cavitare presso procurata, felicius instituitur, quando cavitas illa aquæductus membranea non nimis ampla est. Ita namque, & paucio indigemus mercurio, & huic presso nullum, nisi ad proxima vasorum oscula, diffugium patet. Sed quando nimia est cavitatis amplitudo, neque repleti mercurio potest, ne pondere hic suo, ad levem pressionem, cavitatis ambitum longe lateque repellat, nec pauca mercurii usurpata quantitas sic indicis apice contineri potest, ut pressio, in oscula potius vasculorum a lateribus cavitatis orientium, quam in superfluam cavitatem, mercurium ducat. Præterea ubi parva cavitas est, una pressio omnibus ejus lateribus mercurium applicat, omniaque vascula inde orta replet; ubi vero magna est, vix in uno cavitatis angulo mercurii moles contineri potest, nec spes est eo inde pulso omnia exorientia vascula repletum iri.

LXVI. DEMONSTRANT hæc omnia (LXV), vascula procedentia ab aquæductus vestibuli cavitare venosa esse, exque ejus generis venis, quarum a caveis origo est, vulgo *inbalantibus* nominatis. Dubitari namque non potest, quin humor in membraneam aquæductus cavitatem depositus, per

per has venulas abreptus, lateralem proximum petat sinum duræ matris. Sunt etiam ex lymphaticarum genere venæ istæ, quia lympham ferunt, sed valvulis, quantum potui ad hunc diem perspicere, destitutæ, quia in his mercurius itum pro lubitu, reditumque facilem obtinet. Habentur ergo in his duo, primum, si non alias, certe has tamen lymphaticas in dura matre esse venulas: alterum, lymphaticarum venarum esse finem etiam in venis sanguiferis, quod alias egregie in ventriculo, intestinis, &c. demonstravit Berolinensis Anatomicus, non absque magna laude memorandus, J. FRIDERICUS MEKELIUS. (c)

LXVII. FABRICAM aquæductus vestibuli in adultis hætenus exposuimus; qualis in fetu sit, modo enarrabimus. In hoc vero contemplanti mihi partis structuram sæpe mirari subiit, quomodo res per se in oculum incurrens; ad hunc diem potuerit præteriri. Habet fetus enim orificium aquæductus ei simillimum, (nisi quod etiam patentius quandoque sit), quod habent adulti. Tota ejus ossea pars non ossis petrosi substantia undique obruitur, sed distincti, & ab osse reliquo separati tubi forma procedit (d). Cujus tanta mihi visa est aliquando distinctio, ut perspecta meatus intra ipsum decurrentis amplitudine, vix clarius aliquid conspiciari potuisse judicarem. Talis attamen in fetibus minoris ætatis videri non potest, quibus brevissima est ossea aquæductus vestibuli pars, nec progressu adhuc suo valde spectabilis. Vixque in his rudimentum aliquod tubi exoriri conspicitur parvo fo-

ra

(c) In dissertatione Epistol. ad Ill. Hallerum de vasis lymphaticis &c. Berolin. 1757. (d) Tab. 1. fig. 4. g.

ramine trajecti. Ubi maturi ad partum fetus sunt, distingui valde tubus osseus potest, qui ad duarum prope linearum longitudinem quandoque pertingit. Finis autem tubi, qui reliquo latior est, ut ut liber, sinu tamen, aut fovea excipitur (e), in proxime supposita petrosi ossis superficie excavata, quæ ætatis incremento sensim sensimque obliteratur. Hac fovea cavitas membranea aquæductus continetur, quam si cum illa adulti comparaveris, ampliorem distinctioremque dixeris obtinuisse fetum, sui corporis respectu. In adulto eminentia, in quam margo aquæductus liber assurgit, foveæ defectum supplet; ab ea enim pontis instar supra reliquum os dura mater conjicitur, cavitatemque format.

LXVIII. VERUM ne videar proprii profectus originem dissimulasse, qua ratione hunc aquæductum invenerim, breviter enarrabo. Quinque, & quod excedit, elapsi sunt anni, ex quo ego laboribus anatomicis jam dedicatus, inter alias humani corporis partes, auditus organi fabricam cæpi investigare. Ducem mihi naturam, non auctores præfigendos esse probe edoctus, post observationes peractas, placebat celeberrimi VALSALVÆ scripta, doctissimis viri summi JOANNIS BAPTISTÆ MORGAGNI epistolis illustrata consulere. Cumque multa legerem, multa cum illis compararem, quæ jam egomet observaveram, in ejus foraminis mentionem incidi, quod orificium huic aquæductui dat, quodque, mihi antea etsi pluries observatum, adhuc tamen ignorabam cuinam destinatum foret usui. MORGAGNI perplexitas (LVIII) ad

(e) *Ibid. b.*

ad nova me tentamina incitavit. Cumque petrosa ossa præsto essent innumera, qualia mihi comparaveram pro retexenda temporis offis historia, quam integro operi de humano auditus organo præfigere constitui, forte fortuna in osse petroso puellæ septennis incidi, quod cum diutissima maceratio ab omnibus membranis deterfisset, novorum tentaminum exordio opportunissimum fore deliberavi. Res voto cessit. Nam semel, & iterum in foramen dictum setam indidi, & quamquam pertinaciter impellenti non parva renitentia se offerret, insperato tamen cessit, obsecutaque seta est, & maxima sui parte intra foramen recepta. Hinc lustrare os undequaque, & investigare, quo se loco pars setæ intropulsa recepisset; inveni autem evasisse e rima (LIX). Tum ea curiositate percitus, quæ maxime solet consequi novarum rerum inopinatam oblationem, plura, diversæque magnitudinis, & ætatis, ossa sollicitè congeffi, tentavi, & modo in hoc, modo in illud, setam pertinaciter impuli: sed dare viam aliqua ossa, alia reniti. Sicca seposui, & ad recentia me converti: sæpe vero in his fuit facilis setæ transitus. Cum mecum autem ipse novi canalis rationem inquirerem, maxima emergit hæsitandi causa, quod ea rima, quæ canalem terminabat, dura matre integre clausa videbatur. Tum meditatus sæpe rem, eam in dubitationem perducor, num intra duram cavea extaret aliqua, quæ rimam exciperet. Jussi deferri caput recens, retegique calvariæ basim, ut dixi (LXII), & cultri acie, sub rima, duram incidi, in longum primum, mox transverse. Ita cavitas (LXI) aqua perquam madida manifestatur, quam cum pluries in

AURIS HUMANÆ INTERNÆ. 81

in forma, & situ, adhibitaque injectione examinarem, ea inveni, quæ ad hunc locum protuli.

LXIX. VOLUI ab hominis corpore (quæ frequens mihi observandi ratio est) ad brutorum corpora transire, & num datus illi aquæductus his esset quoque concessus, sedulo investigare. Quadrupedum ergo nullum ad hunc diem observavi, qui hoc aquæductu destitueretur. In equo, bove, simia, cane, fele domestica, agno, lepore, cuniculo adesse comperi. Horum autem nemini ita patens, tum in orificio, tum reliquo in decursu datus, sicut homini: quod si minus in aliis, in equo certe & bove admiratione summa dignum est. Non tamen ita in volatilibus res obvenit. Canales namque in iis sunt, aquæductus vero nullum vestigium observatur. Neque mirum videri debet, si iis animalibus, quibus cochleam NATURA negavit, quorumque canales alia ratione disposuit, & aquæductum hunc forte negaverit. Quoniam vero constitui, observationes nostras ad volatilium auditum pertinentes, alio tempore proferre, licere mihi non arbitror, ea hic revelare, quæ tum canalium in his officium, cum rationem cochleæ defectus manifestent. Ex hoc illud vero inferri potest, iis omnibus animantibus, quorum auditus organum humanum videtur imitari, aquæductum vestibuli esse datum.

LXX. HACTENUS de vestibuli aquæductu recensita eo spectant, ut, quomodo plenum in labyrinthum (xxix) stapes intret, ejusque ingressu humor, quo ille impletur, circumagi possit, clare intelligamus. Nam quando stapes labyrinthi premit humorem, & hic in omnibus canalium semi-

G

cir-

circularium orificiis constantem invenit resistenciam, ab eorundem plenitudine ortam, hanc viam, quæ per vestibuli est aquæductum, liberam, nulloque obice interseptam percurreret, inque membraneam ejus cavitatem derivabitur. Ne vero magna humoris vis hanc curreret viam, quod sine insigni auditus detrimento fieri non posset, incurvum minimique luminis, proxime vestibulum, hunc canalem NATURA fecit. Ita namque moderantur vestibuli humoris fluxum, tum angulus, quem superare motu suo debet humor, tum adhæsiō, quam in capillaribus hujusmodi tubis maximam habet ad superficiem vasis humor contentus; adeo ut nisi insigni vi accedente, qualis vis stapedis est, humorem, aquæductus hic, elabi non sinat, nec plus elabi quam stapedis motus exigit. Qui decidit vero humor in membraneam aquæductus cavitatem, is venis exceptus in sinum lateralem exoneratur.

LXXI. SED eodem stapedis impulsu humoris vestibuli pars per vestibuli scalam fertur (XLVII, LIV), zonamque cochleæ agit. Cum vero plena tota hæc scala sit, neque hæc modo, sed & simul scala tympani, quæ duo tubum referunt communicantem; ut per illam moveatur humor, oportet, ut eadem ratione, qua ab orificio scalæ vestibuli intra cochleam provehitur, in orificio scalæ tympani cedat humor in ea contentus, noviterque adveniēti locum faciat. Hoc autem orificium patulum non est, nec esse potuit, cum locus non sit, in quo absque auditus detrimento potuisset aperiri. Nam si intra vestibulum quoque pateret, pressus a stapede (XXXIX) vestibuli humor per tympani, vestibuliquæ scalæ orificia ur-
ge-

AURIS HUMANÆ INTERNÆ. 83

geret simul : per neutrum vero viam sibi facere posset : quemadmodum si ambobus orificiis tubi communicantis aqua pleni adhibetur æqualis pressio , aqua nullibi emergit . Neque poterat intratympani cavitatem aperiri , a qua aëri facilis esset aditus . Clausit igitur NATURA scalæ tympani orificium , & exitum contenti humoris per canalem , sive aquæductum procuravit ab eâ scala ad calvariæ cavum descendentem .

LXXII. QUÆRI autem opportune potest , cur in hoc scalæ tympani sine cæco , foramen membrana tectum NATURA posuerit , neque continuo osse hunc finem compleverit . Cujus quidem rei duplex mihi videtur ratio esse . Prima , ut eo tempore , quo tympani membranam sonora unda impellit , aër tympani (xxxiii) percussus , tremorem acceptum membranæ communicaret fenestræ rotundæ , quæ oscillatione sua proximum humorem scalæ tympani agitare , & per orificium cochleæ aquæductus eodem tempore expelleret , quo vestibuli humor a stapede moveretur . Ita enim , quando hujus humoris pars per vestibuli scalam propellitur , locum invenit jam in tympani scala paratum , in quem facile se exoneret . Altera , ut qui fenestram rotundam premit humor , tempore quo nova quantitas ex vestibulo advehitur , non in superpositam cochleæ zonam , etsi breviorē hic robustioremque , totus ageret , sed in cedentem hanc rotundæ fenestræ membranam impulsus partem perderet . Confirmat conjecturam observatio . Vidi enim , cui fenestra rotunda integre erat osse clausa , ossicula tympani , & maxime stapedem fuisse duplo majora consueto : quasi indicante NATURA , ampliori stapedis pressione , majorem

se motum vestibuli humori cochleam perituro procurasse, ut qui antea scalæ tympani humor a tremore membranæ fenestriæ rotundæ, & a vestibuli humore in suum erat aquæductum impellendus, deficiente membrana, solo humoris vestibuli motu impelleretur.

LXXIII. COCHLEÆ igitur aquæductus, de quo restat ut dicam, canalis est, qui a foramine patienti prope fenestram rotundam in tympani scala [f] ortum suum obtinet. Hoc foramen illud est, quod primus omnium descripsit, & ornate pinxit DU VERNEYUS (g): *in inferiori cochleæ meatu patens prope fenestram rotundam*: quodque frustra semper a VALSALVA [h] *quæsitum*, confirmavit, descripsit, ornatiუსque pinxit CASSEBHOMIUS: *in tympani namque scala, non procul a fenestra rotunda, foramen, inquit, conspici* (i). Cl. vero MORGAGNUS, *cujus ego fidem, atque industriam maximi quidem semper, meritoque facere consuevi, non minus ingenue fassus est se in ea depressione, quæ occurrere solita est prope fenestram rotundam in tympani scala, aut prope ipsam depressionem peculiare foramen monstrare posse, in pluribus saltem, quas servabas auribus, non vitulorum modo, atque agnorum, quamquam in his manifestius esset, aut novimestris humani fetus, verum etiam adultorum hominum* (k). Nescio autem quo fato iis officiis hoc foramen. tot Cl. Viri unanimiter destinarunt, quibus ne per
so-

(f) Tab. 1. fig. 3. p. fig. 5. f.

(g) Lib. cit. part. 1. pag. 10. Tab. 10. fig. 8. b.

(h) De Aure Humana cap. 3. §. 15. p. m. 31.

(i) Lib. cit. tract. 5. §. 199. tab. 5. fig. 8. a

(k) Epist. anat. XII. §. 60. p. m. 377.

somnium quidem id NATURA præfecit. Nam D^U VERNEYUS [l] in hoc foramen canalem definere asseruit, qui ab ostio profectus in parte inferiori ossis petrosi, infra illud, per quod nervus auditorius transit, existente, arteriæ & venæ pervius esset, quæ rami carotidis essent, & jugularis internæ, quique longitudinem lineæ unius, & dimidiæ obtineret. CASSEBOHMIUS vero (m), etsi in eo videatur a D^U VERNEYO dissentire, quod hic infra foramen auditorium internum hujus foraminis canalem aperiri scribat, ipse vero ad partis petrosæ superficiem externam, & inferiorem, in vicinia cavitatis illius putet pertingere, in qua venæ jugularis internæ principium collocatur; eo tamen recedit, ut si non duo, ut D^U VERNBYUS, vascula, arteriam nempe, & venam, unum tamen [arteria ne sit, an vena dissimulans] per foramen indicatum transire, & in tympani scalam dispergi, videre sibi contigisse (n) fidentissime asserat. Imo eo, sive erroris, sive imaginationis vi proventus est, ut elegantissima, si qua unquam alia, iconæ, vasculum eo ab foramine pinxerit (o) emergens, quod incautis, maxima facilitate, veri specie imponeret. Nec se potuit a facillimo errore cavere Cl. MORGAGNUS, qui per hoc foramen in recentibus sane auribus, non semel, aut sanguiferum vas quodpiam traductum, aut traductæ indicia conspexisse (p) affirmavit. Talis attamen constantissimus hujus est foraminis habitus, ut pervium semper sit, nullumque vasorum genus per se patiatur pogredi.

[l] Loc. cit. [m] Lib. cit. §. 199. (n) Ib. §. 247.
 (o) Lib. cit. Tab. 3. fig. 8. a.
 (p) Loc. cit.

LXXIV. Si nullo igitur sanguifero vasi viam hoc foramen exhibet, cuinam officio destinatum est? Nempe ut humori scalam tympani replenti exitum concedat, & aquæductui cochleæ, ut diximus, faciat originem. Scala igitur tympani etsi longitudine cedat scalæ vestibuli [xxi], ampliori tamen, maxime propter fenestram rotundam, gaudet lumine, ut sæpe dupla, non infrequenter tripla ratione illam superet. Debit namque NATURA scalam vestibuli, quæ humorem ducit, cuius motu zona cochleæ percellitur, angustiorem, facere, ut inter humorem, & zonam frictio cresceret, augeturque sensatio (xlviir); scalam vero tympani, quæ diversorium sistit huic humori, ampliorem efformare. Tympani vero scala sicubi amplior, ad fenestram certe rotundam amplissima est, ubi posteriorem habet parietem in pelvim infundibulo similem excavatum, cujus in fundo foramen (q) apertum est. Fenestra autem rotunda in ea parte, quæ foramini proxima est, constanter *ligulam osseam* (r) educit, quæ veluti sepimentum foraminis regioni format. Cujus hic est fortasse usus, ut appellens ad rotundam fenestram humor, non membranam fenestræ, sed os offenderet; hoc etenim nullibi cedens, resistit humori, omnemque ejus vim in proximum aquæductus orificium convertit: Huic foramini continuatur canalis, (s) qui intra petrosi ossis substantiam, sub canale nervorum communi (xxii) angustissimus decurrit, & post unius fere lineæ decursum, sensim sensimque in majorem canalem dilatatur, qui

(q) *Tab. 1. fig. 3. p. fig. 5. f.*

(r) *Ibid. fig. 6. f.*

(s) *Ibid. fig. 5. bb.*

AURIS HUMANÆ INTERNÆ. 87

qui per tres quandoque lineas descendens, in calvariae cavum se aperit, sub termino exteriori prificii canalis nervorum communis (t). Integra igitur canalis longitudo, etsi pro subjectorum diversitate varia est, cum viderim ad sex, & ultra, lineas se extendisse, sæpe tamen quatuor fere, aut quinque lineas adæquat. Decursus vero, respectu horizontis, ab ortu deorsum retrorsumque vergit.

LXXV. Hic canalis est cochleæ aquæductus, cujus principium est in cavo scalæ tympani, finis in calvariae cavitate: apertum semper utrumque, nulloque membranarum genere, vel minima ex parte, clausum. Ejus originem in cochlea *orificium superius* appellamus, terminum sub canale nervorum communi *orificium* dicimus ejusdem *inferius*. Illud arctum adeo, ut sæpe tenuissimæ setæ aditum deneget, hoc ita patens, ut unius sæpe, duarum non raro linearum lumen viderim obtinuisse. Hoc ergo lumen a superiori ad inferius orificium continuo crescit, & ejus causa aquæductus tubæ sonoræ formam quodammodo indipiscitur. Orificium autem inferius in quamdam triangularis areæ speciem definit (u); cujus unum latus in eo est *marginem orificii*, qui sub canali observatur nervorum communi (x), duo reliqua antrorsum ad se invicem accedunt. Postrema tamen hæc latera in angulum non conveniunt, sed hiatus relinquunt inter se, quo *semicanalis* (y) continetur, qui antrorsum descendens, in posteriorem definit partem illius loci, in quo fovea pro diverticulo venæ ju-

F 4

gu-

(t) *Tab. 1. fig. 1. pp. fig. 2. m.*

(u) *Tab. 1. fig. 2. m.*

(x) *Ibid. fig. 1. pp. fig. 2. k.*

(y) *Ibid. fig. 1. q. fig. 2. n.*

gularis (z), cum foramine carotidem ducente (a), in latere petrosi ossis infimo, se contingunt. Hinc anteriora hæc aquæductus latera, si ex parte cavitatis calvariae, duræ matris tegumento exutæ, conspiciuntur, hoc semicanali distincta observantur. Qua in observatione hæc etiam memoria digna deprehendi, quod latius semper videatur horum laterum posterius, ad occiput conversum, & quod versus latus idem cavea aquæductus maxime sit proclivis. Hujus semicanalis prima origo non ab hoc ipso tamen intervallo est, sed a summo derivat aquæductu, qui tota anteriori parte declivis hunc sequitur semicanalem. Sæpe hic tamen (& hujusmodi exemplorum longa apud nos series invenitur), succrescente osse, in integrum canalem tota ea parte conflatur, quæ per inferius latus petrosi ossis excurrit.

LXXVI. ILLE autem margo orificii inferioris cochleæ aquæductus, qui ad cavum calvariae pertinet (b), maxima NATURÆ constantia, arcus formam repræsentat, cujus tanta sæpe elegantia est, ut spectatoris a nimium attentionemque facile ad se convertat. Arcus hic veluti *januam* aquæductui sistit, per quam, descendens ab aquæductu humor, intra cranii cavitatem effunditur. Hujus vero variare solet amplitudo. Sæpe autem peramplam ita vidi, ut oculo applicato, statim progressum canalis, viam cochleæ affectantis, apertissime deprehenderim; maxime si dura matre adhuc omnia integre obducebantur.

LXXVII. DURA namque mater per hanc *januam*

(z) Ibid. fig. 1. y. (a) Ibid. k.

(b) Ibid. fig. 1. pp. fig. 2. k. Tab. 2. k.

nam intra cochleæ aquæductum penetrat, eumque totum investit. In hoc ingressu ita ipso arcuato januæ margini est accommodata, ut non hic eam normam teneat, quam, maxime in ingressu per opticum foramen intra orbitam, tenet, in quo non prorsus circa supremum acutum marginem, foraminis ossei accommodatur, sed ad aliquam ab osseo margine distantiam reflectitur, plicamque constanter format, quæ nervi optici introitui parvi *tentorii* forma superponitur. Ab arcuato autem januæ margine ad cochleam ascendens, hujus continuatur periostio. Hinc etsi per vestibuli aquæductum sola exterior hujus membranæ lamina vestibulo, continuisque canalibus periostium elargiatur (lx), per hunc cochleæ tamen aquæductum integra membrana ad cochleam ascendit, ejusque facit periostium. Ita ut non immerito dici posse videatur, firmitatem, qua zona cochleæ gaudet præ vestibuli periostio, huic in primis membranæ deberi; & membranæ fenestræ rotundæ laminam internam ab hac membrana oriri, externam a tympani cavitatis tegumento [xix]. Posita vero continuitate periostii scalæ tympani cum illo, quo vestibuli scala, vestibulum ipsum, & canales investiantur, asseri tuto posse videtur, utramque laminam duræ matris labyrintho periostium elargiri.

LXXVIII. PRODUCITUR tamen intra hunc aquæductum dura mater ita, ut, dum aquæductum induit, semicanalem ei continuum [LXXV] aliqua parte sequatur. Et si integra persistente interna calvariæ basi, duraque adhuc matre induta, intra hunc prospexerimus aquæductum, tubum conicum vacuumque hunc referre observabimus, cujus angustissimus finis viam cochleæ tenet. In hoc pro-

spe-

specu per inferius aquæductus orificium vulpinam fetam sæpissime immisimus, quam gratissimo spectaculo intra tympani scalam invenimus penetrasse. Imo fistulæ ANELLIANÆ tubulum in angustiorum usque intrusimus aquæductus partem, & mercurium injecimus. qui ita intra cochleam penetravit, ut tympani vestibulique scalam impleverit, inque vestibulum, canalesque penetraverit semicirculares. Nec unquam melius proprio in situ zonam exsiccata observavi, quam ubi, injecto antea per hunc aquæductum mercurio, cochleam replente, zona fuerat exsiccata. Contra vero, si per superius aquæductus orificium seta immittitur, penetrare aliquando, (neque enim in omnibus, aut æque patet eo in loco aquæductus, aut æque setam admittit), nunquam vero, propter conicam setæ figuram, omnem aquæductus longitudinem percurrere observatur.

LXXIX. Est cur in hoc tamen loco minime præteream experimenta duo, quæ si minus ad hanc, de qua modo scribimus, rem dilucidandam pertinere videbuntur, non parum tamen ad ea, quæ superius proposuimus, confirmanda, lucis poterunt afferre. Quod nempe injecto per aquæductum cochleæ mercurio, ubi hic labyrinthum penetravit, & attolli stapes (xxxvi), & perflui humore membranæ cavitas vestibuli aquæductus observatur. Per hunc vero vestibuli aquæductum si mercurius injectus est, dumque injicitur, oculi in cavum aquæductus cochleæ prospiciunt, non parvam humoris vim per hunc descendere illico apparet. Quæ duo & stapedis basim exacte deligari cum ovali fenestra (xxxvi), & totum labyrinthi cavum humore repleti, evidentissime demonstrant.

LXXX.

LXXX. Educto igitur e calvaria cerebro, inspectaque illius basi dura adhuc matre induta, omnibusque referta nervorum principiis a cerebro evulsis, exque suis foraminibus, per quæ extra cranium exeunt; supra duram matrem, propendentibus; sub janua cochleæ aquæductus (c) nervosus ramulus observatur penetrare (d), qui certe in causâ fuit, cur minus ab Anatomicis foramen hoc attenderetur, habereturque pro uno ex iis foraminibus, quæ nervorum exitui destinarentur. Est hic nervus anterior octavi paris nervorum cerebri, sive vagi, pars, quæ, constantia NATURÆ summa, reliquis ab filis nervi hujus separata, sub janua transit cochleæ aquæductus. Transit vero per januæ pavementum, & ascendens contra anteriorem aquæductus partem, ubi ad semicanalis (LXXV) originem pervenit, dura matre excipitur, & semicanalis ductum sequutus extra cranium descendit, maximamque partem sui in lingua infumit. Locus vero, per quem intrat semicanalem, sæpe rimæ similis est, cujus origo, fulco persimilis, a summa anteriori aquæductus parte incohatur. Frequens est quoque varietas in distantia intercedente inter insertionem hujus partis anterioris paris octavi, & fascis reliqui (e). Cum semper etenim janua aquæductus anterior sit eo foramine, per quod fascis integer octavi nervorum paris penetrat, & ab eodem manifesto distet intervallo, sæpe tamen simul superior est, nec raro margo posterior januæ cum superiori margine continuatur ejusdem foraminis, per quod intrat

(c) *Tab. 2. k.*(d) *Tab. 2. i.*(e) *Tab. 2. l.*

trat major fascis paris octavi. Multa sunt, quæ de nervi hujus decursu nos deteximus, quæque ad auditus mechanismum rectius intelligendum mire conferunt. De hoc vero eo putamus tempore nos opportunius edifferturos, in quo de integra auditus organi fabrica, & de sternutationis theoria aliquid proferemus.

LXXXI. INGENUE tamen fateor, me primum hujus cochleæ aquæductus vestigiū, non quidem in homine, sed in equo observasse; cujus organum auditus cum attente perlustrarem, parietem, posteriorem scalæ tympani, prope fenestram rotundam, in peramplum infundibulum excavatum, deprehendi. In hujus vero infundibuli fundo, aut propter aliquam terræ partem, quæ facile in offe, quod a littore maris curaveram deferri, potuit penetrare, aut quia minus attente observarem, aspersionem esse nullam credidi. Ad alia distractus, diu mihi memoriter hæsit illa in equo observata fovea, quæ effecit, ut cum primum me collegissem, in humanis cochleis inquisierim: Has ergo, etsi minus amplo, satis conspicuo tamen infundibulo donatas inveni. Cunque in cane, simia, lepore, aliisque quadrupedibus, in quibus de vestibuli aquæductu inquisivi, ident perquirerem, ad eundem ego locum infundibulum in his quoque observavi. Tunc VALSALVÆ lustrare librum, & MORGAGNI: atque apud illum negari, apud hunc describi foramen animadverti, sed vasis ducendis destinatum. Quamquam vero paullo post viderem, elegantissimum vās, infundibulum hoc trajiciens, pihxisse CASSEBOHMIIUM [f]; nihilo tamen minus

ne-

[f] *Lib. cit. Tab. 5. fig. 8. b.*

AURIS HUMANÆ INTERNÆ. 93

neque hunc, neque MORGAGNUM, arteria ne, an vena esset, quidquam proferre, non sine maxima admiratione, observabam. Factum his, ut, cum me voluntas occuparet detegendi naturam, vasis hujus, setam, limamque arriperem, & canalem persequerer infundibulo continuum. Setæ igitur apicem infundibuli fundo primum indidi, dein per unum infundibuli latus limam agitando, tantum ossis consumpsi, ut intrusam detegerim setæ partem. Hinc ulterius setam impellendo, persequendoque canalem, eum fieri continuo amplio-rem animadverti, inque illum tandem locum desinere, qui sub canali collocatur nervorum communi. Tum miratus, in sicco ceterum ossè, canalis formam & finem, injustam vidi CASSEBOHMIT censuram, quam pro fine hujus canalis texuit DU VERNEYO (LXXIII). Cœpi ex hoc tamen cogitare mecum, ecquid esset causæ, quod neque ad carotidis canalem, neque ad jugularis diverticulum hic tenderet ductus, unde arteriam facile posset venamve suscipere, sed terminaretur in loco, parum equidem favente horum vasorum ingressui. His accedebat, me probe meminisse, sub terminum canalis hujus, octavi paris nervorum cerebri anteriorem ramum pertransire. In his dum hærebam, alias mihi, atque alias difficultates accedere animadverti, quæ meam mire perplexitatem augebant. Recens ergo caput afferri jussi, in quo rem inquirendo, vidi apertum a me antea sicco in ossè canalem, vacuum perviumque in hoc pariter esse. Cumque partim dissecando, partim seta & injectione multis in cadaveribus ea tentarem, quæ ad hunc locum protuli, liberum ubique semper, perviumque canalem, absque ul-

L

la naturæ inconstantia , deprehendi .

LXXXII. Si pervius ergo liberoque lumine gaudet canalis hic , qui cochleæ facit aquæductum , quid putabimus fuisse causæ , cur summi viri , omnique fide dignissimi , vasorum hunc esse , transitui destinatum contenderint : & non contenderint modo , sed vidisse se , aut transeuntia per ipsum vasa , aut vestigia traductorum affirmaverint ? Fuit equidem hoc unum , quo vehementer impulsus sum , plures ut cochleas , suffocatorum maxime hominum , aut aliquo sanguinis in caput rapto demortuorum , data opportunitate perlustrarem . Re penitus autem ita perspecta , spe frustrari non sum visus ; quandoquidem detexi facillimum fuisse tot clarissimis viris in ea re decipi , in qua , nisi summa adhibeatur diligentia , peritissimus quisque facile deciperetur . Vere enim sanguiferum est vas intra cochleam , quod suos per zonam , & scalas , ramulos dispergit ; cujus origo , sive truncus , ita proxime orificium superius cochleæ aquæductus introrsum emergit , ut vix decima lineæ pars inter orificium illud , & vasis originem intercedat (g) . Vas autem istud vena est , in quam omnis fere corrivat cochleæ sanguis , cujus truncus ex orificii aquæductus vicinia , per ossis petrosi meditullium descendens (h) , versus jugularem se protendit . Hic attamen truncus dum per cochleam decurrit tympani scalæ fundum tenet , ubi ramuli omnes confluunt , scalam vestibuli , laminam spiralem , zonamque cochleæ percurrentes . Insigniores vero rami , ut & princeps truncus , non in cochleæ peristolio sedem habent , sed sub-

(g) Tab. 1 . fig. 3 . f ad d superius .

(h) Ibidem ad .

AURIS HUMANÆ INTERNÆ. 95

subter osseam internam cochleæ superficiem reconditi decurrunt. Et quando sanguine hoc vas tumidum offendi contigit, quod rarum sane non est, nunquam aperiri, aut contentus ab eo potest sanguis educi, nisi primum os, venæ truncum, ramosque tegens, deradatur. In istam ego venam, ramulum, vidi a vestibulo subter ortum laminæ spiralis, (i), venientem, desinere. Hunc ramulum puto pro arteriæ ramulo descripsisse Du VERNEYUM (k), cumque esse, quem cum non vidisset CASSEBOHMIIUS acri Du VERNEYUM censura prosequutus est [l]. Venæ cochleæ truncus, ut se in jugularem demittat per canalem petrosi ossis, cochleæ aquæducti vicinissimum, ac fere parallelum, (m) decurrit, qui sensim latior in parvum foramen desinit, prope originem apertum [n] semicanalis, qui huic continuatur aquæductui (LXXV). Hoc ex loco vidi venam frequenter in sinum petrosi inferiorem, proxime ejus insertionem in diverticulum jugularis, aliquando in ipsum diverticulum exoneratum iri. Mirum ergo non est, si vas sanguiferum, cujus origo adeo proxima visitur superiori cochleæ aquæductus orificio, ab hoc emergere, facile Cl. viri judicaverint.

LXXXIII. QUANDO igitur de venosis cochleæ vasis dicere volumus, non abs re fore putamus de alia vestibuli vena quædam adnectere, quæ tantam habet cum hac cochleæ vena analogiam, ut ejus amet decursum imitari. Nam collectis omnibus in unum ramulis, quos per vestibulum, cana-

[i] Tab. 1. fig. 5. h.

[k] Loc. cit. p. m. 10. n. 3.

[l] Lib. cit. §. 247.

[m] Tab. 1. fig. 5. d d.

[n] Tab. 1. fig. 1. r. fig. 2. o. fig. 3. e.

nalesque semicirculares dirempferat, proxime orificium vestibuli aquæductus, suum exorditur profectum, perque meatum petrosi ossis, ipsi aquæductui adfidentem, decurrit, atque in foramen definit in inferiori rimæ parte, qua hic terminatur aquæductus, patens. Eo autem ab foramine, per laminam exteriorem duræ matris, parietem anteriorem cavitatis membranæ aquæductus vestibuli, facientis, insinuata, descendit, inque proximum lateralem sinum aperitur. Sæpe cum eam caveam vestibuli aquæductus aperirem, laminam tantum internam duræ matris incidendo, in relicta lamina, exteriorem caveæ parietem ossi proximum, contegente, venæ hujus descensum animadverti. Arteriæ vero, quæ vestibulum intrant (xxx1) nervorum ductum sequuntur, perque canalium superficiem repunt ab osse distinctæ; unus attamen, qui cochleam eodem ex trunco, ramus adit, qui-que maxime foramen tenet axim modioli percurrent, suo in transitu ramulos dat, qui per intervallum lamellarum laminæ spiralis intrant cochleæ zonam. Neque ejus superiores ultimi rami, qui per infundibulum disperguntur (o), nudi liberique decurrunt, sed inter ossis infundibulum facientis lamellas progrediuntur.

LXXXIV. PAUCA sunt in fetu, quæ aut de cochleæ aquæductu, aut de labyrinthi vasis merentur recenseri. In hoc ergo, janua arcuata inferioris orificii cochleæ aquæductus, rudis, & incompleta apparet (p), neque semicanalis osseus ei continuus valde conspicuus est. Brevissimus est pariter aquæductus, nec minus angustus. Foramen

211-

[o] Tab. 1. fig. 7. 9.

(p) Tab. 1. fig. 4. 11.

autem venæ vestibuli (LXXXIII), quod rimæ adjunctum est, longe patentius in fetu observatur (q). Bruta vero, & maxime quadrupeda, quibus aquæductus vestibuli denegatus non est, hoc cochleæ quoque gaudent aquæductu: cujus superius orificium adeo in his patens est, ut mirari non desinam, in equo præsertim, & bove, peramplum infundibulum in quod excavatur. Videtur in his tamen NATURA, quod orificio detraxerat vestibuli aquæductus, huic cochleæ aquæductui reddidisse, ut quemadmodum in his, angustis existentibus canalibus semicircularibus, angustum vestibuli aquæductus est orificium, sic peramplis factis cochleæ scalis, ejus aquæductus origo amplissima suppeteret. An ideo angustum homini, patentius quadrupedibus hoc aquæductus cochleæ orificium datum est, quia tremor elasticæ laminæ spiralis, & latioris zonæ cochleæ, ita percellunt scalæ tympani humorem in homine, ut nisi angusto foramine aquæductus oriretur, unico ictu stapedis humor excerni posset abundantissimus; in brutis vero propter osseam durissimamque laminæ spiralis indolem, nimiamque zonæ brevitatem, hoc deficiente in auditu tremore, nisi amplum esset aquæductus cochleæ orificium, difficile scalæ tympani humor evacuetur?

LXXXV. Jam modo igitur possumus ex habita cochleæ aquæductus descriptione concludere, humorem vestibuli uno stapedis impulsu motum, partim per vestibuli, partim per cochleæ aquæductum effluere. Hujus autem cochleæ aquæductus, proxime superius orificium, angustia, ad idem

G

dem

(q) *Ibid. k.*

dem videtur officium destinata, ad quod in aquæductu vestibuli est instituta. Ut in contactu nempe, quem, plane maximum, habere solet humor cum lateribus vasis angustissimi, per quod movetur, frictione aucta, aliquam in motu tarditatem experiretur. Singulis ergo vicibus quibus stapes impellit vestibuli humorem, & agitur cochlea (XLVIII), per aquæductum hunc, tantum humoris excernitur, quantum satis est, ut adveniens in tympani scalam humor (LIV) locum inveniat. Quidquid autem ab eo excidit, intra calvariae cavum extillat. Nec querere oportet quam viam humor hic intra calvariam excretus inde teneat; nam per eandem viam redditur sanguini, per quam fumus intra calvariam ab extremis arteriarum oculis exhalans absorbetur. Emittere enim continuo rota interior duræ matris superficies, in vivo animali, fumum, qui per extremitates excernitur exhalantium arteriarum, quique in cadaveribus tenuis rosis forma duram matrem, & exteriorem arachnoideæ faciem humectat. Fumus hic non modo coalescentiam impedit duræ ipsius cum arachnoidea, qua cerebrum involutum est, sed per ipsius duræ matris sinus omnes insinuatus, quibus plerique nervorum cerebri trunci per aliquem tractum excipiuntur, eosdem nervos fovet balineoque coercet. Hujus autem balinei efficacia nervi continenter molliti, humori, quem vehunt, faciles se exhibent.

LXXXVI. SINUS hi, quos *sinus* dicere consuevi *nervorum vaginales*, etsi ad omnes fere cerebri nervos pertineant, in tribus tamen maxime sunt insignes; excepto duræ matris infundibulo, spinalem medullam coercente, quod *sinus maxi-*

mus

mus vaginalis dici debet. Hi tres vero sunt sinus opticus, parisi quinti, & acusticus. *Opticum* facit *sinum* ea duræ matris productio, quæ per foramen opticum reflexa, facto in ingressu tentorio (LXXVII) opticum nervum ad oculum usque comitatur. Hæc aliquot cellulosis filis incluso optico laxè colligata, vapore pervaditur calvariæ cavi, quem collectum in ejus termino, prope oculum, sæpe observavimus. *Sinum parisi quinti* dura quoque mater habet, quæ ovali peramplo foramine hujus nervi truncum libera excipit (r), & ad trium ejus usque ramorum originem libere intra se ingredi sinit. *Sinum* tandem *acusticum* canali nervorum communis continet. Hi omnes veluti intra vaginas, pro nervorum, quos ducunt crassitie ampliores, nervos continent, qui perpetuo vapore perfluuntur calvariæ cavi. Ne vero cresceret vapor hic, collectusque officeret, propriis venulis absorbetur duræ matris, quarum oscula pleraque in superficie hujus membranæ interna aperuntur. Vidi enim injectum mercurium intra membraneam cavitatem vestibuli aquæductus, & ab ea in duræ matris venulas propulsum, indeque versus radices extremas venularum pressum, pluribus ex locis superficiei internæ duræ matris exsudasse. Quod documento est, sanguiferarum venarum duræ matris radices aliquas in ejus interna superficie aperiri, indeque fumum exsugere, quem arteriarum extremitates exsudarant.

LXXXVII. Nunc descriptis jam aquæductibus, qui a labyrinthi cavo suam ducunt originem, ea quæ intra nos fiunt, cum sonantia corpora senti-

timus, breviter superius dicta repetendo, clarius intelligentur. Dum igitur sonorum corpus vibrat, in omni vibratione proximum aëra projicit, in sphaeram sonoro puncto concentricam. Hic circulariter motus aër unda dicitur sonora. In omni sono, quot vibrationes sunt, tot undæ sonoræ generantur, omnes concentricæ. Singula igitur unda, ubicumque in sphaera suæ propagationis meatum auditorium offendit, sic se nobis manifestat. Percurso meatu, suisque flexibus roborata, in oppositam tympani membranam (xxxiii) vim infert. Cedere igitur, ducique tantulum introrsum, hæc membrana coacta, sibi adnexum mallei manubrium (xxxiv) interiora versus secum trahit. Malleus cedere nescius, nisi motus circa Folii processum, ut axim (xxxiv), dum manubrio introrsum tendit, capite suo vergit extrorsum. Sed ejus capiti articulata basis incudis. Trahet igitur caput mallei basim istam. Movetur autem incus super crure posteriori, ut centro, ita ut quo extrorsum magis basis tendit, hoc crus alterum longius, basi continuum, promovetur introrsum. Sic dum tympani membrana pellitur, & manubrium mallei, & crus longius incudis interiora versus propelluntur. Longiori vero incudis cruri, intermedio lenticulari osse, capitulo suo stapes affigitur, cujus basis implet fenestram ovalem, eique mobiliter in circuitu est deligata [xxxiv]. Dum movetur ergo membrana tympani, cum mallei manubrio, & crure incudis longo, versus vestibulum stapes una impellitur.

LXXXVIII. TENDUNT autem hæc omnia introrsum magis, vel minus, prout impulsus aeris major minorque est. Huic tamen introductioni au-

xiliares vires NATURA præfecit, quæ ad minimum membranæ tympani motum statim succurrunt, introitumque adjuvant. Vires istæ a tympani chorda (xxiii) moventur, quæ adhærescens transversim membranæ tympani, eidemque sæpissime cellularibus productionibus deligata, inter mallei manubrium, supra quod transit, proprio haud raro semicanali excepta, & crus longius incudis, decurrit. Concipit igitur nervus hic eundem membranæ tremorem, & singulis vicibus quibus membrana movetur, ipse tremit. Sed si nervum concutias, rami omnes eodem ex trunco prognati trahuntur in tremorem. Hinc rami omnes nervi duri, maxime ii, qui viciniore chordæ sunt, singulis in tremoribus tympani membranæ, concutiuntur. Concussi nervi celeriores influxum sui fluidi promovent, & si qui muscoli sunt his nervis animati, in hoc velociori nervosæ substantiæ adventu, copiosiorique, contractionem indispiscuntur: cujus duratio rationem temporis sequetur, quo indefinenter nervi copiosius manant. Musculus igitur EUSTACHII, atque stapedis (xxxv), quibus a nervo duro rami sunt, in singulis membranæ tympani impulsibus, contrahuntur. Et EUSTACHII quidem musculus vehementius manubrium mallei introrsum trahet, & cum eo membranam tympani, crus longius incudis, atque stapedem (Lxxxvii): stapedis autem musculus posteriora versus attrahens stapedem, normam, directionemque ejus motui dabit: impellet nempe posteriorem ejus partem versus vestibulum, anteriori immobili relicta vi ligamentorum (xxxv, xxxvi).

LXXXIX. A posteriori autem baseos stapedis extremo, per spatium $\frac{1}{4}$ lineæ partis (xl) pe-

netrare valenti, humor pressus vestibulum cum reliquo labyrintho implens, in omni puncto superficii labyrinthi pressionem a stapede susceptam refundet. Hæc autem labyrinthi superficies duobus tantum in locis cedere apta est; in orificio nempe tum aquæductus vestibuli (LVIII), cum cochleæ (LXXV). Per hæc igitur orificia illa humoris quantitas excernetur, quæ ingressum stapedi alias contendisset. Ingressum hunc stapedis vero, labyrinthi nervi sentiunt omnes. Septum (XXXIX) intranti stapedi oppositum premitur, & quia humorem cavitatis vestibuli anterioris, spatio jam in vestibulo parato, ob humorem ab aquæductibus excretum [LXX, LXXXV] per canalem externum [XLII], sibi facilem experitur, cedit pressioni; restitutoque stapede, atque descendente superioris canalis humore [XLIII], in situm pristinum reducitur. Zona cochleæ eodem tempore ab humore per scalam vestibuli penetrante agitur. Et simul fila maculæ orificii proprii canalis posterioris, & cavitatis hemisphæricæ (XLVIII).

XC. ITA quot vicibus corpus sonans tremis impelluntur nervi omnes labyrinthi (XLVIII), & prout validior remissiorve sonori corporis tremor est, nervis acusticis, major, minorve motus communicatur. Nervi acceptum tremorem communi referunt sensorio, retrogrado fortasse motu fluidi nervosi, & anima in eo sonum percipit. Apparet ex hoc, sensationem auditus in tremore consistere nervorum acusticorum, exacte respondente tremori corporis sonantis. Videturque, NATURAM congeneres sensationibus, quæ intra nos debent excitari, impressiones nervis nostris communicari voluisse. Et quemadmodum in visu, corpo-

AURIS HUMANÆ INTERNÆ. 103

porum imagines percepturi, imaginem in retina pictam accipimus, sic in auditu tremorem corporum haurimus pari tremore in acusticis nervis excitato. Ut quemadmodum sonus in motu consistit, motu etiam nervorum conciperetur.

XCI. **INTEGRA** igitur perceptio soni, in singulorum tremorum a sonante corpore editorum perceptione consistit, atque anima tum integrum aliquem sonum percipit, cum plenum ejus tremorum numerum agnoscit. Ita similes dicimus sonos, quoties eundem in utroque tremorum numerum percipimus. Sunt igitur nervi acustici quasi chordæ in singulo tremore sonori corporis semel oscillantes, totque cum audimus impressiones cerebro numeratim impertientes, quot numero sunt sonori corporis vibrationes. Sed quæ chorda semel percussa oscillat semel? Certe quæ tensa nimium, & siccissima chorda est, semel pulsata, valide, diutiusque tremit; sed vitare **NATURA** hanc multiplicem oscillationem in chordis nostris acusticis visa est, neque enim tensas nimium, neque aridas, sed molles, & fluido continuo pressas (xxix) easdem efformavit. Ita enim fit, ut, cum a stapede impelluntur, nunquam acceptum continent tremorem, sed semel motæ, quiescant, nec iterum moveantur, nisi nova accedat stapedis impulsio. Omnis enim tremorum continuatio, quam percussæ chordæ tensæque perficiunt, si metallicæ sunt, & humore aquoso non circumfusæ, in acusticis chordis nervosis inhibita est, quæ molles factæ sunt, & humore coercentur, in quo superfluous omnis chordæ tremor emoritur.

XCII. **APPARET** ex hoc, quam magno **NATURÆ** instituto factum sit, ut nervi labyrinthi, ma-

xima parte, in unam expansionem confluerent, toto ambitu vestibuli parietibus alligatam, cujusmodi septum nervosum vestibuli (xxvi) est. Hoc enim septum amplam firmamque chordam, sive seriem, tot chordarum parallelarum, quot nervosa fila complectitur, repræsentat, quæ, moto a stapede humori, undique opponuntur, ejusque vim integram accipiunt: nec aliam præter hanc unam motionem accipere possunt, secus ac fieret, si septum toto ambitu non esset circumligatum (xlix). Canales ergo semicirculares opportunissime ita humoris vestibuli motum dirigunt, ut septum nunquam a perpetuo discedat humoris contactu; cujus quidem humoris efficacia cavetur, ne sicca fiant nervosa fila, & perennando tremori apta redantur. Quam pessime igitur sibi NATURA consuluisset, si non humore, sed aëre plenum, ut vulgaris opinio fert, fecisset labyrinthum. Quid enim aptius perficcandis corporibus aëre: quid perniciosius auditui siccitate nervorum acusticorum? Hæc quippe sola siccitas uti disponderet fibras efficiendis pluribus vibrationibus, uno tantum ictu accepto, ita alias atque alias impressiones cerebro communicari permetteret, quam quæ exacte a sonoro corpore proficiuntur. Sed quæ inde sincera soni cujusque, distinctaque perceptio? Apparet æque necessitas cochleæ, in qua series chordarum parallelarum tensorumque cymbalo similis abscondetur, cujus in zona cochleæ sedes est, quæ fila nervosa a spirali lamina accepta, & parallela continet longitudinis variæ. Harum ego chordarum minimam in zonæ origine pono, prope orificium scallæ tympani, ubi arctissima zona est, maximam vero versus zonæ hamulum. Quemadmodum ergo
edi-

edito sono aliquo, etiam vocis humanæ, obser-
vatur ex tot cymbali chordis unam tremere, quæ
in eodem unisono cum sono dato est, ita in quo-
vis dato sono, intra cochleam, quæ cymbalum
nostrum est, propria unisona respondens chorda
datur, quæ unisone contremiscens ejus soni ani-
mæ distinctionem exhibet. In hoc fortassis ratio
posita est cur duorum circularum cum dimidio lon-
gitudinem cochlea non excedat, quasi in eo con-
tineri possit spatium tantæ longitudinis zona, ut ha-
beat, possibiles omnes chordas, tonis, quos audire
possumus, unisone respondentes. Septo igitur
sonum percipimus, cochlea tonos discernimus.
Sed de his alias, & plura.

XCIII. Cum igitur ostenderim ex acustico-
rum nervorum numero oscillationum iis sonori cor-
poris pari auditum emergere, & ad hoc naturam
1. recte nervosum vestibulo dedisse septum, 2. re-
ctius humorem id undique, cochleæque zonam,
reliquosque labyrinthi nervos coërentem, 3. op-
portune canales semicirculares ita positos, ut ner-
vorum motum permitterent, sed nunquam defe-
ctum humoris circum nervos, ad supervacaneas
oscillationes compescendas, fieri sinerent, 4. me-
rito denegasse aërem labyrintho, ne siccaret ner-
vos, ordinatisque motionibus redderet ineptos,
illud mihi videtur esse reliqui, ut ostendam, quo-
modo continua humoris jactura, quæ in singulo
stapedis impulsu per aquæductum, maxime co-
chleæ, labyrinthus sustinet, reparatur. Quidquid
perdit ergo labyrinthus, id omne exhalantes re-
stituunt arteriæ, quarum copia insignis in labyrin-
tho est. Mihi vero videtur minime absolum, ner-
vos, maxime in cavitate hemisphærica, & macu-
la

la orificii proprii canalis pesterioris, libere fluitantes, aliquid ab extremis suis in singulis exhalare stapedis concussionibus. Ita possemus facile VISSSENII non improbare sententiam, opinantis, lympham vestibulum implentem spirituum animalium esse plenissimam, nisi hoc inde deduxisset, quod aperto labyrintho *uno temporis puncto ipsa dissipetur, & in auras abeat* (s), quod omnino, ut recte visum MORGAGNO, falsum est.

XCIV. QUÆ causa tinnitus aurium? aut vibratio aucta arteriarum zonam cochleæ, septumque nervosum perreptantium, ut in raptis sanguinis violentioribus erga caput, spasmo hysterico, hypochondriaco, phrænitide &c.; aut recurrens convulsiva contractio musculi EUSTACHII, vel stapedis, qua stapes pellitur intra vestibulum, & humorem movet, qui ita nervos agit, ut hi, sibili illius sensationem animæ repræsentent.

F I N I S.

TABU.

(s) *Apud Morgagnum Epist. Anat. XII. §. 64. p. m. 380.*



TABULARUM

EXPLICATIO.

TABULA PRIMA.

FIGURA PRIMA.


Repræsentat integrum os petrosum dextrum hominis adulti, a reliquis vicinis ossibus, ipsaque parte squamosa, separatum; visum a latere interno posteriori, quod camaram, vulgo dictam, cerebelli antèrîus complet. In quo prospectu inferioris maxime sui lateris partem exhibet potiorem.

- a a a.** **A** Ngulus superior a concursu factus laterum internorum, posterioris nempe, & superioris: cui tentorii dextri duræ matris margo anterior affixus est. In eo sulcus apparet, sinum parvum venosum duræ matris recondens, qui sinus petrosus superior dictus est, & in lateralem sinum exoneratur. Tab. 2. R.
- bb.** Pars in hoc situ conspicua lateris superioris in tuber elevata, sub quo absconditus est canalis semicircularis superior. Tab. 1. Fig. 1. c.
- c c.** Latus posterius ossis petrosi.
- d d.** Foveæ sigmoideæ dextræ, in qua lateralis sinus duræ matris dexter hospitatur, pars quæ in osse petroso insculpta est.
- e e e.** Margo, quo os petrosum cum lateribus mediis ossis occipitis conjungebatur.
- f.** Apophysis mammillaris majoris facies interior.
- g. Mi-

- g. Minor apophysis mammillaris adjacens introrsum basi majoris.
- b. Sulcus inter utramque apophysim intercedens, cui digastrici maxillæ posterior extremitas inserta est.
- i. Processus styliformis.
- k. Orificium canalis, per quem carotis interna cavum calvariæ petit.
- ll. Sulcus pro collocatione sinus duræ matris, quem petrosus inferiorem appellant.
- m m. Rima sigmoideæ foveæ proxima, in qua terminat aquæductus vestibuli ossea pars. Tab. 1. t. t.
- n. Foramen pro venarum transitu ab intimo petroso osse ad duram matrem.
- o o. Foramen acusticum pro ingressu nervorum paris septimi, a quo canalis nervorum communis ortus intra os petrosus protenditur.
- x. Semicanalis superior, quem habet in facie anteriori canalis nervorum communis.
2. Eiusdem faciei semicanalis inferior.
3. Spina intermedia.
- p p. Arcus osseus, januam constituens orificii inferioris cochleæ aquæductus.
- q. Semicanalis, eidem inferiori cochleæ aquæductus orificio continuus, per quem anterior portio nervi octavi paris extra calvariam defertur.
- r. Foramen per quod vena cochleæ exit.
- s. Orificium internum canalis, per quem venæ occipitalis truncus in lateralem sinum exoneratur.
- s. Orificium externum ejusdem canalis, cui portio canalis altera adjungebatur in osse occipitis relicta. Vena etenim occipitalis in hoc subjecto per foramen in osse occipitis factum canalem suum ingrediebatur.
- u. Cellulæ aliquot mastoideæ detectæ, non quia fractæ sunt, sed quia, in hoc subjecto, cellulæ hæ petrosi ossis limites egressæ, intra medullarium adnexi ossis occipitis procurrebant.
- x. Margo superior sulci, per quem truncus descendit paris nervorum quinti.

FIGURA SECUNDA. 109

Demonstrat hæc figura integrum labyrinthum dextrum cum communi nervorum canale, & aquæductibus, visum in naturali situ a parte qua occiput respicit, & abrasione circumpositi ossis detectum. Comparare autem oportet hanc cum figura antecedenti, nam ita apparebit, quomodo intra petrosum os singulæ in hac figura representatæ labyrinthi partes collocentur.

- a.*  Orificium canalis nervorum communis. Fig. 1. o o.
- b.* Tuber sub quo vestibuli pars, & cochlea latent.
- c.* Canalis semicircularis superior, qui sub tubere *b b* fig. 1. erat absconditus.
- d.* Canalis semicircularis posterior.
- ** Locus in quo canalis superior & posterior confluunt in canalem communem.
- e.* Pars in hoc situ conspicua canalis exterioris.
- f.* Canalis communis ab unione superioris & posterioris factus.
- g.* Prima pars aquæductus vestibuli, quæ angustior est ea, quam figura repræsentat, in qua tubus aquæductum constituens integer servatus est, & circumpositi ossis causa crassior apparet.
- h.* Pars ejusdem aquæductus sensim latefcens in cornu hinc, & illinc compressum.
- i.* Extremitas latior cornu ossei aquæductus, respondens rimæ fig. 1. *m m.*
- k.* Aquæductus cochleæ janua arcuata respondens fig. 1. *p p.*
- l.* Ejusdem aquæductus angustior pars versus scalam tympani ad fenestram rotundam tendens, quæ longe crassior est, quam cavitati contentæ conveniret, ob os circum relictum, ut apparebit comparando hanc figuram cum fig. 3. *b b.*
- m.* Orificium inferius aquæductus cochleæ.
- n.* Semicanal per anteriorem, inferioremque descendens hujus orificii aquæductus cochleæ partem, respondens fig. 1. *q.*

e. Fe-

- a. Foramen parvum, per quod exit vena cochleæ, respondens fig. 1. r.

FIGURA TERTIA.

Idem labyrinthus, qui in fig. 2. a posteriori parte demonstratus est, in hac figura ostenditur a parte anteriori, qua tempori obversus est, sed paullum elevatus extra situm, ut reliqua ostenderentur. Proderit hanc figuram cum figura 6. comparare, in qua integra omnia sunt, quæ ad cochleam, & vestibulum pertinentia in præsentis figura aperta observantur.

- a. **P**ars anterior canalis nervorum communis.
 b. Canalis semicircularis superioris pars in hoc situ conspicua.
 c. Canalis semicircularis posterior.
 d. Canalis semicircularis exterior.
 e. Vestibulum circum derafa fenestra ovali, in conspectum veniens sola media sua parte, in qua sequentia patent.
 f. Orificium canalis communis. Fig. 2. f.
 g. Cavitas semiovalis ex parte visa.
 b. Cavitatis hemisphæricæ portio in hoc situ conspicua.
 i. Spina interposita.
 k. Pyramis vestibuli utcumque indicata.
 l. Orificium aquæductus vestibuli.
 m. Aquæductus ejusdem extremitas latior respondens fig. 2. h i.
 n. Cochleæ gyri.
 o. Pars primi cochleæ gyri a vestibulo per aliquem tractum aperta, ad laminam spiralem, & scalas conspiciendas.
 1. Scala vestibuli.
 2. Scala tympani.
 p. Foramen, sive orificium superius aquæductus cochleæ, in scalæ tympani principio positum, centrumque

que occupans parvi infundibuli.

- g. Reliqua pars tubi hunc aquæductum efformantis, quæ respondet fig. 2. k.
- h. Laminæ spiralis pars, a qua gyrus albus detractus est, ut in hoc cochleæ positu orificium superius aquæductus cochleæ conspiceretur.
- i. Locus in quo gyrus cochleæ secundus, intra primum ductus, ei nondum immediate accrescit, sed interventu ossæ substantiæ.
- j. Locus immediatæ accretionis.
- k. Apicis cochleæ cupula, sive fornix.

FIGURA QUARTA.

Ostendit integrum os temporis fetus maturi, visum ex ea parte, qua respicit calvariæ cavitationem.

- a. **P**ars squamosa concava.
- b. Extremitas processus jugalis conspicua.
- c. Pars petrosa.
- d. Orificium canalis nervorum communis.
- e. Pars superior canalis semicircularis superioris, quæ in fetu distincta supra os petrosum eminet.
- f. Pars superior canalis semicircularis posterioris in fetu sæpe pariter eminens.
- g. Tubus osseus aquæductus vestibuli. Fig. 1. b i.
- h. Cavum in osse sculptum, extremitatem excipiens ossei tubi aquæductus.
- i. Seta intra foramen aquæductus intrusa.
- k. Seta intra foramen insinuata venæ vestibuli.
- l. Janua, sive arcuatus margo orificii inferioris cochleæ aquæductus. Fig. 1. p p. fig. 2. k.
- m. Seta intra hunc aquæductum immissa.
- n. Foramen, quod aquæductus Fallopii intra calvariam apertio est, pro transitu rami nervi duri ad canalem Vidianum, cui superius impendet productio ossis acuta, quæ divisum foramen ostendit.
- o. Foramina, quæ in facie interna ossis squamosi regione

regione ortus apophysis jugalis observantur, vasculorum transitui destinata.

p. Caverna sub canali semicirculari superiori in fetu conspicua, duræ matris productione completa, mire ad incrementum verticale canalis hujus conferens. Hæc in adulto coarctatur in foramen. Vid. fig. 1. *n*;

q. Ala anterior superioris lateris ossis petrosi operiens cælum cavitatis tympani.

rr. Commissura hujus alæ cum parte squamosa.

FIGURA QUINTA.

Repræsentat partem ossis petrosi sinistri hominis adulti, a quo vestibulum, & canales ablati sunt, solus vero gyrus cochleæ primus patefactus est relictus, & a parte anteriori ita derafum est os, ut progressus aquæductus cochleæ, & venæ vestibuli apertissime conspiciatur.

a a. **G**yrus cochleæ primus per longitudinem patefactus.

b b. Aquæductus cochleæ per totam sui longitudinem apertus.

c. Semicanalis osseus inferiori aquæductus orificio continuus, pariter in longitudinem divisus. Fig. 1. *q.* fig. 2. *n*.

d d. Decursus venæ cochleæ.

e. Locus in quo intra semicanalem terminat canalis osseus venam ducens. Fig. 1. *r.* Fig. 2. *o*.

f. Orificium aquæductus cochleæ superius vicinissimum insertioni venæ.

g. Rami duo venæ cochleæ, qui a trunco emergunt, & per primum cochleæ gyrum incipiunt progredi.

b. Ramus alter ejusdem venæ ad vestibulum pertinens.

FIGURA SEXTA.

113

Labyrinthum exhibet ab ossē petroso dextro extractum, in quo canāles denudati sunt, cochleæ suo sub tubere integro relicta. Naturalis ejus situs habebitur, si prospectus, in quo est, inferiora versus naturaliter vergere intelligatur.

- a. **F**enestra ovalis.
- b. Locus ubi margo hujus fenestræ curvus fit elatior.
- c. Locus ubi margo ejusdem rectus gibbus fit.
- d d. Pelvis fenestræ ovalis.
- e. Fenestra rotunda.
- f. Ligula in hac fenestra contra scalam tympani erecta.
- g. Tuber in tympano eminens, sub quod abscondita est cochleæ.
- h. Canalis semicircularis exterior.
- i. Canalis semicircularis superior.
- k. Canalis semicircularis posterior.

FIGURA SEPTIMA.

Ostendit apicem cochleæ dextræ, qualis apparet cupula detracta fig. 3. u., ut infundibulum, gyri albi laminæ spiralis rostrum, terminus, & rostrum zonæ cochleæ naturali in positu conspicerentur. Auctus autem ad decuplum vitro, pictus est.

- a a. **S**emigyrius ultimus cochleæ.
- b. Extremitas secundi gyri.
- c. Centrum infundibuli, sive orificium tubi, circa quem secundi cochleæ gyri postrema medietas, & ultimus semigyrius sunt declives.
- d. Margo liber, in quo desinit ultimus semigyrius.
- e. Rostrum gyri albi laminæ spiralis, in quo
- f. Margo concavus.
- g. Margo convexus.
- h. Apex.
- i. Zonæ cochleæ summa pars.
- k. Locus in quo angustatur secuta ductum rostri laminæ spiralis.

H

11.

11. Margo apicis zonæ convexus, qui infundibuli pavimento est alligatus.
- mm. Margo ejusdem concavus, qui convexo margini rostri gyri albi laminæ spiralis alligatur.
- nn. Apex zonæ, qui in rostri formam tandem definit.
- oo. Vascula, quæ a foramine axem modioli occupante penetrant, & per fundum infundibuli disperguntur.
- *. Seta per foramen triangulare, sub rostrum gyri albi laminæ spiralis positum, a scala vestibuli in tympani scalam intrusa, & viam ostendit, per quam scalæ communicant.

TABULA SECUNDA.

Repræsentat solam partem posteriorem dextram; basis calvariæ internæ dura adhuc matre indutæ, in qua integra regio ossis petrosi, & baseos dextræ cameræ occipitii, conspicua est, cum cavitate membranæ aquæductus vestibuli patefacta, venis lymphaticis quæ ab ea oriuntur, & truncis omnium nervorum a cerebro prodeuntium, a tertio pari ad nonum.

- A. **B**asis dextra medię calvariæ cameræ, in quam caput lobi posterioris cerebri se insinuat.
- B. Arteria meningea major, quæ per foramen spinosum ossis sphænoidis calvariæ cavum ingressa, per duram matrem distribuitur.
- C. Pars duræ matris extrorsum propendens.
- D. Pars dextra sellæ equinæ.
- E. Dextra pars baseos cameræ posterioris calvariæ, in qua dexter cerebelli lobus collocatur.
- F. Portio altera duræ matris extrorsum devoluta.
- G G. Medietas dextra foraminis occipitis magni, per quod egreditur spinalis medulla.
- H.

- H.** Principium spinalis medullæ a caudice medullæ oblongatæ separatum, & per medium dissectum. In eo est pars foraminis, quod calami scriptorii crene continuabatur, & virgarum spinalis medullæ dextra pars conspicua.
- I.** Jugum semilunare, quod in posteriori margine magni foraminis occipitis nascitur, quando contra atlan- tion retrorsum caput comprimitur.
- KK.** Falcis cerebelli dextra pars, in qua duæ plicæ insignes.
- LM.** Sinus lateralis dexter duræ matris resecto tentorio apertus.
- N.** Pars inferior sinus longitudinalis cum dextro late- rali sinu continuata.
- O.** Foramen, quo mediante sinus longitudinalis, & la- teralis dexter cum sinu laterali sinistro, & occipitii sinu inferiori SANTORINI communicant.
- PP.** Reliqua pars sinus lateralis latior retro os petrosum dextrum descendens, dura matre adhuc integre operta.
- Q.** Locus sub quo est lateralis sinus extremitas in diver- ticulum jugularis venæ terminata.
- R.** Orificium triangulare sinus petrosi superioris, quo cum laterali sinu communicat.
- S.** Arteria meningea posterior duræ matris.
- TV.** Nudi margines resecti ossis calvariae.
- X.** Arteria vertebralis dextra resecta ab ingressu intra calvariam.
- a.** Tertii paris nervorum cerebri nervus dexter, qui du- ram matrem perforans ad oculi plerosque musculos &c. fertur.
- b.** Nervus quarti paris, patheticus, in trochleatorem oculi musculum dispersus.
- c.** Nervus paris quinti.
- d d.** Orificium sinus vaginalis duræ matris, per quem trun- cus nervi paris quinti libere decurrit.
- e.** Nervus paris sexti, qui ad rectum exteriorem ten- dit oculi musculum.
- f.** Nervi paris septimi portio dura.
- g.** Eiusdem septimi paris portio mollis; 1. fasciculus su- perior, & anterior. 2. fasciculus medius, & anterior om- nium inferiorque. 3. fasciculus superior & posterior.
- h h.** Orificium canalis communis nervorum paris septimi.
- i.** Paris octavi pars anterior, sub orificii inferioris a- que.

quæductus cochleæ januam penetrans.

- F.** Janua arcuata orificii inferioris cochleæ aquæductus.
I. Octavi paris fascis reliquus.
m m. Nervus accessorius Willisii.
n n n. Ejus radices a medullæ oblongatæ caudice separatæ.
***** Radix alia ex infimis a spinalis medullæ originis posteriori parte procedens.
o. Nervus noni paris.
p p. Angulus superior ossis petrosi, a quo tentorium reflectum est.
q q. Locus, in quo latus superius ossis petrosi intumescit, recondens canalem semicircularem superiorem. Tab. 1. fig. 1. *b b.*
r r. Latus posterius ossis petrosi, in quo definit vestibuli aquæductus.
s. Cavitas membranæ aquæductus vestibuli aperta.
s s. Rima, in qua definit ossea pars aquæductus vestibuli, & ad cujus directionem prima cavitatis incisio facta est. Tab. 1. fig. 1. *m m.* fig. 2. *i.*
x x. Latera dissecta cavitatis membranæ revoluta.
x x x. Venulæ lymphaticæ mercurio plenæ, a cavitate aquæductus membranæ procedentes, & in lateralem sinum derivatæ.
z z. Parvus sinus, in quem duæ inferiores venæ, a cavea aquæductus procedentes, cum aliis venulis duræ matris, in hoc subjecto conjungebantur.

F I N I S.

Vidit D. Aurelius Castanea Cleric. Regul. S. Pauli, & in Ecclesia Metropolitana Bononia Penitentiarius pro Eminentiss., ac Reverendiss. D D. Vincentio Cardinali Malvetio Archiepiscopo Bononia, & S. R. I. Principe.

Die 13. Julii 1775.

R E I M P R I M A T U R.

Fr. Carolus Dominicus Bandiera Vic. Gen. S. Officii Bononia.

Tab. i.
fig. 4.



fig. 3.



fig. 3.




fig. 7.




fig. 7.



Tab. 2.

5 8 363



7

62

005654474

